

閒適劇談

開卷之二

客問曰孔子云吾與回言旬終日不違如愚句及示諸弟子則曰予欲無言道果不以言傳而夫子何於回而獨言之予曰道在言裏悟在言外乃為深也惠子死而莊周反舌鍾子期死而伯牙破琴蓋莊周之意不在於言伯牙之妙不盡於琴也况聖人之言其遠如天能心領到那遠處有得則言者聽者兩忘矣聖門唯顏子能聽若諸弟子未必若顏子也故孔子又謂其門人曰二三子以我為隱乎吾無隱乎爾吾無行而不與二三子

者顏子於孔子之行既有得而於夫子之言正是時雨
之化故凡與人言最是苦那人能聽昔裴休作禪源諸
詮序有曰涅槃經云迦葉菩薩曰佛有密語而無密藏
世華嚴之曰如來之言開發顯露清淨無翳愚人不知
謂之秘藏智者了達則不名藏只此雖與教然與吾聖
門所謂不遠與所謂無隱者徇此其證云

太極者其天之性乎陰陽者其天之心乎客曰陰陽氣
耳曰陰陽進退為生長收藏而生萬物每冬至便轉太
以生物為心只此便是却不是陰陽天之心生處是心
生底是太極竟夫詩又至于之生夫心無改移是也

客撫瑟因談及之曰似君子無故琴瑟不去身按琴瑟之
理最妙其制最古蘇秦云瑟本伏羲所作齊國臨淄之
民無不習之故稱秦瑟曹植詩齊瑟和正柔是也又漢
書謂皇帝使素女鼓五十絃瑟瑟聲悲帝禁不得破瑟
爲二十五絃錢起詩二十五絃彈夜月是也及觀古今
樂志云錦瑟之爲器也其絃五十其柱如之其聲適怨
清和然則破者黃帝一時之感耳舜彈五絃琴以歌南
風孔子七絃琴謂悲願回家語載孔子絕糧於陳蔡之
間而絃歌不絕者回之死則孔子年已七十矣晉稽康
善琴嘗作琴序云歲窮獨而不悶者莫近於声音康非

薄湯武司馬昭殺之臨刑自若援琴而鼓顧凱之作稽
康贊云東海徐寧夜聞鮑覽室中琴聲因怪問爲誰觀
曰稽叔夜寧曰臨刑東市何得在茲觀曰叔夜迹雖示
終而實尸解也按康土木形骸不自藻飾好言老莊尚
奇任俠謝惠連詩中散不偶世本自嶮巖人又蔡邕寄
琴音邕自遠矜其鄰人邀之飲時客有先至者彈琴客
見蟬欲捕之邕至門聞其聲遂還鄰人亟往挽之屏中
其故邕曰聞有殺聲故以責彈者果以實對衆嘆服又
吳人以鬻者邕聞火烈之聲知其良木因請而裁爲琴
果有美音而其尾猶焦故時人名曰焦尾琴夫邕固精

於音者而原則神矣柳誠琴會記謂君子之庄必左琴
右書蘇州刺史贊皇公朝於京春正月夕次朱方即今
刺史樊公稱江川當軒願以忘酒侑勝居無何贊皇公
弦琴樊公和之演振相應澄清清撫緩迭為伯牙更為子
期琴動人靜琴酣酒醒清声向月和氣在堂春風猶寒
是夜覺燠又云見明珠者始賦魚月知雅樂者方鄙鄭
声自樸散為器真意在琴與衆同出於虛獨能致靜同
韻五音獨能致遠同名為樂獨偶聖賢是宜稱德切近
於道又云寧襲陶公真意空拍而已豈襲胡笳巧麗異
域悲声我有山水相音響而持之古操則為其餘未暇

嘗考靖節先生有無絃琴一張胡笳十八拍蔡琰塞上所作也讀柳公文則忘於琴者宜玩之又桑間濮上紂之都也文記紂使師延作新淫声北里之舞靡靡之樂正義云武王既伐紂師延抱樂器投濮水而死後師涓從衛靈公過濮上聞水中樂音因寫之爲晉平公奏焉師曠撫之曰此亡國之音得此必於桑間濮上乎笙篴漢郊祀志謂爲武王祀太一后土而作也箏風俗通曰秦声也蒙恬所造五絃筑身漢倡優家教坊之名漢書趙飛燕初屬陽阿主家學歌舞成帝過之陽阿主作樂奏進因得飛燕又斷絃曲晉文臣作也琴操有明君

晉石季倫作也廣陵散曲瑯琊王淹兒女作也顧況作
廣陵散記云衆樂琴之臣兵也廣陵散曲之長也瑯琊
王淹兒女未笄忽彈此曲不從地出不從天降如有家
師存焉曲有日宮散月宮散歸雲引華嶽引意者虛寂
之中有宰察之神司其妙有以授王女云蓋音必託乎
人声新声之流代變蓋至此矣又古有擊壤謠謂以木
擊地也按藝經及周廣風土記謂以木爲之寬廣後銳
其形如履長尺四寸濶三寸將戲先側一壤地而遙以
一壤擊之中者爲上部蓋祝琴又古矣其太音声正稀
乎邵堯夫以擊壤名集是與無弦琴一意也存古

云

客因談死生予曰人透了死生關亦是學問溪裘楷曰
浮屠不三宿桑下不欲久生思愛精之至也註云浮屠
之人寄桑下者不經三宿便即去示無愛戀之心佛氏
滅情復性緣他出家本心只是要斷除情欲耳莊子云
生與死與天地並與神明往與上與造物者遊而下與
外死生無終始者為友此雖莊生曼言後釋氏衍為不
生不滅之說要於神識超脫死生皆莊子之道也舜作
卿雲歌其卒章云裳音昌鼓之軒乎舞之精華已
竭褰裳去之陶靖節詩縱浪大化中不喜亦不惧盡
便須盡無復獨多慮吾聖賢於死生之際見得道理只

如此故生順死安順者順於理安者安於化蓋生時全盡道理到那死之一節只順其大化自消而已孟子曰知命者不立嚴牆之下又曰天壽不貳脩身以俟之孔子曰未知生焉知死皆此意視世人死於兒女子手者春不悲捨者又奚啻千萬也知字最深不輕以許子路而況其下者乎孔悝之難可謂不知死矣宋陳北溪曰緣只受得許多道理湏知得盡得使自無愧到死時亦只是這二五之氣聽其自消化而已所謂安死順生與天地同其變化這箇便是與造化爲徒纔有私欲有私愛便與大化相啮又程明道作姪姪墓銘云合而生非

來盡而死非去。然而精氣本於天形魄歸於地。謂之往
亦可矣。此亦見生死之說。客曰釋氏之死生與聖賢之
死生從何處見得異。答曰釋氏斷情。是欲不牽吾之生
墮輪迴。而求所以不死。弄造化之機權也。聖賢循理。是
欲全盡吾之生還造化。而順其所以死。盡造化之大運
也。只此見箇異處。

客有談天地之中而謂即今之中國是也。予曰初時論
中國與見同。及觀張騫嘗使大夏在蜀漢西南。即中天
竺也。以天地之中故曰大夏。漢地偏東不正。故曰東夏。
即我中國也。故西佛稱我中國為東土。又觀成光子曰

中天竺國東至震旦五萬八千里南至金地國西至阿
拘遮國北至小青火國極遠亦各五萬八千里則知彼
為中國矣又梁傳云何承天以博物名乃問慧嚴曰佛
國將用何曆云天竺夏至之日豎晷無影所謂天中於
五行土德色尚黃數尚五八寸為尺十兩當此七十二
兩建辰之月為歲首始悔初時所見殆謬又承天與嚴
共論華梵中邊之義乃引周公測景之法謂此土夏至
之日猶有餘陰天竺則無也言測景者周公攝政四年
欲求地中而營王城故以土圭測景得潁川陽城於是
建都土圭長尺有五寸夏至日晝漏半立八尺之表表

北得景尺有五寸景與土圭等此為地中鄭司農云此
日景於地千里而差一寸當知陽城蓋就此地自為中
耳讀此說則知相傳洛陽為天下之中始明按慧嚴宋
沙門也我華夏偏為東垂故甘頌東海是為邊義

客一日觀繁辭因談陰陽謂道數語予曰一陰一陽之
謂道兩一字最妙蓋直說箇陰陽則陰陽亦是形而下
者須說箇一陰一陽纔見箇道在那裏又曰繼之者
善也善便是太極蓋造化有生有長秋收以至冬藏則
造化終矣然雖終而生生不息未嘗息故曰繼繼字當與
復字並看邵子詩云一陽初動處萬物未生時蓋初動

未生即繼也又曰成之者性也性是物各具一太極兩之字指陰陽客曰性字可對上善不答曰既說是性便有理有氣便涉善惡了

客述程子之言曰自性之有形者謂之心予曰如此說心則性是理之無形者蓋有形謂心竟落一層說了即養生家說一寸二分是也其實乃是所以至虛而靈者乃是心朱子云性猶太極也心猶陰陽也心畢竟是似落一層然有太極便有陰陽定離不得人之初生須先有性性就須有箇心非心即性安頓何處朱子又云性對情言心對性情言合如此是性動靜是情主宰是心

大抵心與性情一起的事先儒只於其間細細體貼出
一箇名目耳故張子曰心統性情最精備

客談靜坐予曰嘗見楊升菴枕林氏山集引古語榮枯

枕上三更傀儡場中四弄人生幻化如泡影幾箇臨危

自省

只此四字須
深造自得

稱其高古不減東坡稼軒又東坡題

息軒云無事此靜坐一日似兩日君姑七十年便是百

四十東坡自註云無事靜坐便覺一日似兩日也君能

處置此生常似今日得至七十便是二百四十幾人世

間何藥能有此效既無反惡又省藥錢此方人人收得

但苦無好湯使多煎而下後胡荻溪誦其言自署云余

連蹇選調四十年在官之日少投閒之日多能知靜坐之味矣第尚平婚嫁之志未畢退之啼號之患方劇正所謂無好湯使多噉不下也竊謂若溪竟足涉影響耳未知靜坐味也此味正在景中識取豈以投閒日多而後知婚嫁此是尋常世味世人誰不經歷此者旣說箇無事直須與太虛同體恁地風雲變態而太虛自若耳禪家謂無念爲本六用不行只此意同邵堯夫四十五歲生男何嘗一日掛去念頭不樂可謂得之矣

客談古人友僧事予曰嘗見詩人往往詠閑雲靜僧及考古之達者往往與僧交如白樂天以刑部尚書致仕

交天竺寺如滿結香火社衆稱隱山居士樂天有詩親

書天竺寺後四十年東坡訪之則詩已亡僅存刻石因

題云空詠連珠吟疊壁已亡飛鳥失驚蛇懷素草書如飛鳥出林驚

蛇入東坡亦與饒州禪師了元印禪遊後了元住金山

寺東坡入杭過之爲留數月因以玉帶遺了元了元以

衲裙相報東坡有詩欲教乞食歌姬院故與雲山一衲

衣又云錦袍錯落真相稱乞與狎狂老萬回按裴休嘗披毳衲于

歌姬院持鉢乞食自以爲不爲俗人所得可以說法爲

人萬回法雲公也唐貞觀時人八九歲有兄戊安西曹

朝往夕還萬餘里故號萬回唐韓愈貶潮州簡師不顧蛇

同唐武后賜以錦袍王帶唐韓愈貶潮州簡師不顧蛇

山鱣水萬里之際過潮訪之皇甫持正作送師序云有

若將進拜而夕死者雖飾其名而儒其行雖夷狄其衣服而仁義其心不猶愈於儒冠朝服而溺於遠怪之說以敦彝倫者耶宋歐陽脩與佛者惠勤有善東坡序勤詩集謂勤長於詩從公遊三十餘年公嘗稱之公薨於汝陰予後見勤語及於公未嘗不涕泣也勤固無求於世而公又非有德於勤者其所以涕泣不忘豈爲利哉僧家味最清而又能曉義理尤迷者愛之今惜難其遇耳溫公詩云只恐爲僧心不了爲僧心了總輸僧吾黨慎無忽於斯徒

客談性字義予曰性字從心心之生生處便是性即仁

也人性從那太極中來是太極者天地萬物皆此理也
探尋得時便見得天地萬物與吾一體薛文清先生曰
須知已與物皆從陰陽造化中來則知天地萬物爲一
體矣又曰今早讀書得一性字正是先生見道處程明
道曰嘗喻以心知天猶居京師往長安但出西門便可
到長安此猶言作兩處若要誠實只在京師便是到長
安更不可別求長安只心便是天盡之便知性知性便
知天當處便認取更不可外求學者玩此有得可以語
性矣

客舉邵堯夫恍惚吟而歎曰恍惚陰陽初變化氤氲天

地乍迴旋中間些子好光景安得工夫入語言予嘗少
曰此說坤復之際所謂一動一靜之間至妙至妙者也
到此看理會得不須言客再放歌而罷

蟬得美蔭而忘身故不知螳螂之搏之也螳螂見得而
忘形故不知異鵲之利之也異鵲見利而忘真雁生見
之而三月不庭告于人曰不敢忘吾守

客坐而嘆曰三代以上以道德治天下而天下日休休
焉適其性也秦漢以下以名利驅天下而天下日擾擾
焉馳其情也情一潰不可戢雖忘乎古莫與告于世也
予曰昔哉言乎莊子曰榮辱立然後覩所病貨利聚然

後視所爭今立人之所病聚人之所爭窮困人之身使
無休息已矣嗚呼居今而欲逃名利譚近德是謂已往
之墓人世間之狂旗者其誰矜之

一陽動於下天道也無妄也聖人之動以天故不思而
得不純而中意最害事有意而爲善則其善必不純况
流於私者耶大學云必誠其意者所以復於無妄也易
稱地雷復周子曰復則无妄不遠復無祇悔大賢之事
也惟顏子能之顏子只於念慮上用功夫子稱其有不
善未嘗不知知之未嘗復行冉閔諸賢便於事爲上用
功則悔而復矣小人迷復改悔

一客偶舉禪語而問曰一覺才起爲安而曰有真妄也
大本有生滅而曰不生滅何也客曰總說箇真便一箇
妄來對了總說箇生便一箇滅來對了只撇下這四箇
字便是覺性常住客俯思久之嘆云

客舉佛語無生之生幻相宛然生之無生真相湛然而
曰是談無生妙語也客曰只就生之無生句演去果是
妙如云因緣所生義是義滅非生滅諸生滅義是義非
生滅又云無生可度即真常心若見可度即生滅心良
由一切衆生本來是佛何生可度自無生義也蘇東坡
題丹桂夫人畫彌陀像贊云佛以大圓覺充滿十方界

我以顛倒想出生死中云何以一念得往生淨土我
造無始業本從一念生既從一念生還從一念滅生滅
滅盡處則我與佛同又東坡卓錫泉銘云相師無心心
外無學有來叩石雲涌泉落問何從來物無所從若有
所從來則有窟窟皆精透佛髓今王陽明先生因人問
良知亦有起處先生答云良知者心之本體所謂恒照
者也心之本體無起無不起雖妄念之發而良知未嘗
不在但人不知存則有時而或放耳雖昏塞之極而良
知未嘗不明但人不加察則有時而或蔽耳雖有時而
或放其體實未嘗不在也存之而已耳雖有時而或蔽

其體實未嘗不明也察之而已耳若謂良知亦有起處則是有時而不在也非其本體之謂矣又曰無心非動者以其發於本體明覺之自然而未嘗有所動也有所動即妄矣妄心亦照者以其本體明覺之自然者未嘗不在於其中但有所動耳無所動即照矣無妄無照非以妄爲照以照爲妄也照心爲照妄心爲妄是猶有妄有照也有妄有照則猶貳也貳則息矣無妄無照則不貳不貳則不息矣陽明以良知爲恒照猶禪者云實性不斷不常不來不去不在中間及其內外不生不滅性相一如常住不遷名之曰道者是也又真假動靜偈云

一切無有真無真何處真又云存見真不動動上有不
動皆此義云客問之始悟此陽致良知之說而於格物
有省

人之一呼一吸以實其氣之一覺一寢以寧其神也
動一靜以固其形也通於此者其知天地之寒暑晝夜
乎

張子曰晝夜者天之一息乎言天之一日常人之息耳
又曰寒暑者天之晝夜乎言天之一歲當人之一日耳
堯夫元會運世亦以此推之而盡天地之始終

客一日叩近世談心學于何以子曰談心自國初以來

諸老亦滿見之至正德間陽明先生力主是說當時
克已說却是儒者一心印非歟陽明答蕭惠堯已論曰
美色令人目盲美味令人耳聾美味令人目爽馳騁田
獵令人發狂這都是害汝耳目口鼻四肢的豈得是爲
汝耳目口鼻四肢若爲着耳目口鼻四肢時便須思單
耳如何聽目如何視口如何言四肢如何動必須非禮
勿視聽言動方纔成得箇耳目口鼻四肢這箇才是爲
着耳目口鼻四肢此數句乃語格去在外之物以反合
在內之天理以得在內之真耳目口
鼻四肢今終日向外馳求爲名爲利這都是爲着軀殼
外面的物事汝若爲着耳目口鼻四肢要非禮勿視聽

言動時豈是汝之耳目口鼻四肢自能勿視聽言動須
由汝心這視聽言動皆是汝心皆汝心云者即上云
汝心之視發竅於目汝心之聽發竅於耳汝心之
言發竅於口汝心之動發竅於四肢若無汝心便無耳
目口鼻所謂汝心亦不專是那一個血肉若是那一箇
血肉如今已死的人那一箇血肉還在緣何不能視聽
言動所謂汝心却是那視聽言動的這箇便是性便是
天理二句是陽明先生識性字處有這箇性才能生這性之主理便
謂之仁此論仁與性之生理發在口便會視發在耳
便會聽發在口便會言發在四肢便會動都只是他天

理發生

天理二字即良知是也

以其主宰一身故謂之心這心之

本體原只是箇天理原無非禮這箇便是汝之真已這

箇真已是軀殼的主宰若無真已便無軀殼真是有之

即生無之即死汝若真爲那箇軀殼的已必須用着這

箇真已便須常常保守着這箇真已的本體戒慎不覩

恐懼不聞惟恐損了他一些是全神是也才有一毫非禮萌動

非礼萌動只是箇意只是一念動便爲非礼只便如刀割如針刺忍耐不過必

須去了刀拔了針去刀拔針是格物這才是有爲已之心方能

克已汝今正是認賊作子賊是外物子是真已緣何却說有爲已

之心不能克已客聽之有問曰曾聞西來心印不幾是

乎曰達磨波羅提作用是性一句是他禪脉之祖達磨
得云在胎爲身處世爲人在眼曰見在耳曰聞在鼻辨
香在口辨論在手執捉在足運奔按箇在字即陽明數箇發字義偏現
俱該沙界收拾在一微塵識者知是佛性不識者喚作
精鬼識與不識即迷悟之謂也知是佛性即所謂正智
如如喚作精鬼即所謂名相妄想竊謂作用與所謂在
所謂處只是一箇精神羅整惹謂禪家明以智覺爲注
者是也不知性之爲理達磨性最慧敏初是遇一僧舉
卧輪禪師偈示之云卧輪有伎倆能斷日思想對境心
不起菩提日長達磨曰是加緊縛矣因駁之曰慧能

沒伎倆不斷百思想對境心數起蓋提作麼長沒字不
字便是他教人慎勿觀靜及空其心之謂達磨視卧輪
進一竿然其爲說已涉妙尤能激上智而易入之丙子
秋一士人張朴號彬菴麻城人也至邇與談此學渠解
束脩謂束其心以約夫之謂約其心只此猶落卧輪色
相

客談人之呼吸予曰人之呼吸非氣而所呼吸有氣也
天地承太虛中一大氣人又在天池之中以天地爲呼
吸氣是神之爲神是氣之靈氣本無聲而神以之聽氣
本無形而神以之視神依於氣者也氣交密太虛者也

魚遊於水人遊於氣魚離水則魚必死人離氣則神必散故人之生也呼吸天地之氣而已

客談夢覺二如予曰一如歸真之謂也釋氏嘗言如如不動是說他真相世人覺多妄想以想生夢則夢是夢覺亦夢矣憧憧不定故客曰高宗孔子何如曰高宗之思孔子之志當其夢也不可謂之想夢傳說夢周公當其夢也不可謂之夢夢覺一如非二聖人其誰與列子曰神凝者夢想自消又曰古之真人其覺自忘其寢不夢嘗愛陳希夷睡吞金礪詩云常人無所重惟睡乃爲重舉世此爲息魂離神不動覺來無所知知來無所用

堪笑塵世人不知夢是夢吾儕宜細玩之

列子之言曰生者理之必終者也終者不得不終亦如
生者之不得不生而欲恒其生盡其終感於數也耳哉
言乎淡理精矣今人以鍊化之術誘人長生只是感之
甚耳精於理者不也孟子天壽不貳句正與感字對
萬行起心心人之主三乘歸一法之宗張說序般若心經

漁對

漁者既領道德經義日冥然飄然若醉若狂迥然肆釣
自餐不知身世為何因登鎮祁樓謁濂溪祠問曰是何
像予告之曰同郡營道里濂溪周先生也漁者曰已聞

之矣太極圖是所作也遂索讀曰坐忘中玩一二迷
其說耶余余強爲對之

無極而太極

對曰這句諸儒訓之甚悉漁者曰專言理乎曰非也無
理氣言理氣元離不得非謂有理了然後又生出氣
來也辟之桃仁杏仁之類有箇生理便含箇生氣若無
生理則無生若無箇生理則亦無以生之矣周子之意
盡謂理氣之然如此其至妙而至大也若以爲說理則
那動生靜生豈臨時添泊箇氣去生之耶漁者曰將極
字訓作理氣可乎曰非也極只是理帶氣言之又極非

理而所極者理也太字極字先儒訓作屋極南極北極似作物之大根本故如此說若作贊道理則極者無外無以加之稱無極者無無外無無以加者也漁者曰無極太極四字當兩層看乎曰無極二字當置在太極裏面看不當提在上一層看釋氏提上一層看便謂無極又生下一箇太極來便涉玄妙漁者曰老氏之謂虛釋氏之謂無正脗合此而世又何非之也曰周子只認箇理謂虛中有理理是箇實的中庸曰誠是也故不分虛實而只說實謂無中有理理是箇有的繫辭曰易有太極是也故不分有無而只說有二氏只認箇氣一向謂

實是礙除之以歸於虛謂有是幻絕之以歸於無便不
同了歷秦漢至宋周子首發此一句故先儒稱其默契
道體道之體只此一句盡之

太極動而生陽動極復靜靜而生陰靜極復動一動一靜
互爲其根分陰分陽兩儀立焉

漁者曰生陰生陽不誠判然別生箇陰陽在這地手若
謂即是太極何又隔動靜一層乎對曰生字只要善理
會他的太極只說箇動靜原無箇陰陽故太極常動靜
不息聖人見那一動一靜處得一畫即謂之陽得兩畫
即謂之陰陰陽二字是聖人從那大地既開模寫得出

來以見造化之用。纔有陰陽。又就此陰陽各具一太極。爲陰爲陽以生五行。以變化萬物了。若那太極動靜仍是一大主張。一大動靜之根本。他地翻覆常在也。動靜互爲其根。理宰氣以有其生。陰陽既分。兩儀氣稟理以廣其化。漁者又問曰：回到那兩儀不立如何？曰：兩儀不立。只是一氣渾成了。莊子謂之渾沌。釋子謂之打成一片。若那太極之動靜。仍未嘗息也。雖動靜不息。亦不容易就判了。湏到那極處。然後分陰陽。仍是兩儀立時。昔邵堯夫以十二萬九千六百年爲一元。推算得天開於子。地闢於丑。方見得兩儀在此。亦從此立矣。只此推之則

一元之始終只此大數之動極靜極而生陰生陽也又推之一元以前一元以後亦只此動極靜極而生陰生陽也又推之一歲便有一歲之動極靜極而生陰生陽以成寒暑又推之一日便有一日之動極靜極而生陰生陽以成晝夜縱不然太極只一會動靜以分兩儀就不動不靜也耶故曰太極之動靜未嘗息也又曰一動一靜互爲其根謂之體統一太極便是分陰分陽兩儀立焉謂之各具一太極便是有這各具一太極然後能用那體統一太極若那體統處無可着摸無可言說柰老氏釋氏從這裏說得太苦了便涉虛無吾聖人只從

分陰分陽後探討得箇造化之用故其作易亦曰易有太極是生兩儀便從那兩儀推究得去道理無窮

陽變陰合而生水火木金土五氣順布而四時行焉五行

一陰陽也陰陽一太極也太極本無極也五行之生也各

一其性

問

對曰造化生物只有箇陰陽五行而已縱他生生化化萬乎其物皆此二五之氣為之而本之者太極也故正說覆說以見造化之用只有此而已順布自然不相逆之謂蓋從太極一氣生此五行而五行亦自然率序流行辟之一父生五子而五子亦自然為序也想陰陽變

合之始便自有水之氣主於滋潤次則自有火之氣主於炎熱由是水便生出木之氣來火便生出金之氣來由是水湯火鍊便成質大而爲土其曰生水火木金土生字只從一動一靜運來運去自然出來非太極有意於生之而曰水一火二云云也各一其性一字即太極各一即各具一太極也各一其性如洪範以潤下炎上等說五行之性世間所用金木水火土只是五行之氣之查滓耳虛空中有五行乃是五行之氣邵堯夫謂兩一也有火雨水雨土雨之異朱子亦謂五行氣行於天正是變字有幹旋化生之樞合字只相承配合而已猶

君令臣共夫唱婦隨云爾客曰周子言太極本無極字豈列子所謂有大質大素太初之名莊子所言有始也者有未始有始也者有未始有夫未始有始也者謂大極又本於無極歟曰本字不當如此說只說這大極本是至妙至妙者也

無極之真二五之精妙合而凝乾道成男坤道成女二氣交感化生萬物萬物生生而變化無窮焉

漁者曰成女以上數句似說人生於寅的氣象二氣以下數句似說成男成女之後人生人物生物的氣象曰這說也似是真以理言精以氣言合者會而為一疑者

聚而堅固也男女二字總名凡雌雄牝牡皆是不專指
人言蓋謂陰陽五行之運若其合而凝者得於健之理
是體具太極之動而分其氣之陽是之能變者也故稱
男其合而凝者得於順之理是體具太極之靜而分其
氣之陰是之能合者也故稱女這男女便會能生生化
化所謂一氣即此也若反而推之陰陽便是故嘗曰太
極之陰陽所以化生男女者也既成之男女所以化生
萬物者也先儒謂男女各具一太極細思之最妙因見
人共剖一瓜得種子各持去種之後果各生出幾樣瓜
所謂變化無窮信然世間賢生愚生賢何可推測造

化一無心而已

惟人也得其秀而最靈形既生矣神發智矣五性感動而善惡分萬事出矣

通

漁者曰人得秀而最靈如何却又有不善曰此就氣上說來秀靈俱是清氣秀猶云清氣華英之稱靈是那能妙應的須稟此氣則陰陽具五行全而得爲人此人人皆有之但分數不齊耳善惡亦從那所稟分數上別了神發智神是智之根智是神之苗蓋神是那能妙應的本體智是那妙應之用如神發於目而知好色神發於耳而知好音神發於口而知好味之類是也五性感動

即上文五行之生各一其性也帶氣言歎誘於外情動於中理不能制故有善惡之分宋儒曰衆人常失之於動正謂此也所以釋氏有滲漏心之說有第二念之說其教只主於死心不動故說得太過若禮記云人生而靜天之性也此即太極之性是箇不動的聖人主靜只此而已看來動最有害大周子通書說善惡又云慎動皆詳言之

聖人定之以中正仁義而主靜句立人極焉故聖人與天地合其德日月合其明四時合其序鬼神合其吉凶句漁者曰既說人得秀而最靈者與聖人同則五性感動

聖人亦同而何以獨能主靜曰汝說亦是盡亦思之大
虛乎大虛爲之主自然爲陰陽爲五行何嘗離乎氣運
行變化而太虛自若也聖人雖同出於秀而最靈而所
得獨全同於大虛雖五性感動而其凝然不動者未嘗
息也所謂定非如常人執守之定曰主靜非謂要去
靜也猶之常靜之謂蓋中正仁義四德即義理之性太
極是也聖人合下就全具了綴是形生神發五性感動
而聖人之心只此四德在中安然不失故曰定程明道
定性書云動亦定靜亦定正此定字靜字最要仔細看
朱子謂太極是箇靜的聖人之靜正與此同只以動中

之靜一句來商量似得之不然便涉寂滅漁者又問定
靜二字分別曰定字如水壺之澄然於中無動靜言靜
字以本體言又引天地合德四句易乾卦辭也天德合
德應上文無極而太極日月合明應上文分陰分陽四
時合序應上文五氣順布而四時行鬼神合吉凶應上
文善惡分而萬事出只消四句合上太極數條盡在聖
人身上聖人之立人極便於此見之

君子脩之吉小人悖之凶

漁者又問君子小人既分別若是則謂人皆得其秀而
最靈吾且或之曰

秀而最靈同出於太極也。偏者脩治而還其所本有性者悖馳而離其所本有君子小人便從那修與悖上分了。漁者又問君子之脩將何依從曰上文已說了聖人立人極但君子能循聖人之教故能五性感動而主敬以制之豈不萬事皆吉而吉而爲君子乎若不學聖人之教則感動情勝日就放蕩豈不萬事皆惡而凶而爲小人乎故孟子曰看夫爲不善非其才之罪也

故曰立天之道曰陰與陽立地之道曰柔與剛立人之道曰仁與義又曰原始要終故知死生之說大哉易也斯其至矣

漁問

漁者又問引易辭何義曰周子之意無他也只說他作圖之意不過一部易而已天地人統太極出來的太極本無極如何言說形容得故只說得箇立字立者若以太極立之也有陰陽以立了箇天是天一太極也有剛柔以立了箇地是地一太極也有仁義以立了箇人是人一太極也天主氣地主形人主德故分別言之蓋太極之動靜就分了箇陰陽陰陽之氣聚而爲形質便有箇剛柔剛體其陽而用之或陰柔體其陰而用之或陽是剛柔中有陰陽也氣聚而生人便其箇仁義仁得於陽之溫厚而體之藏則陰義得於陰之嚴肅而體之斷

則陽是仁義亦有陰陽也原以一生而三才者各得其兩而各具一一焉夫死生者盈虛之理始終者死生之象原始要終而知死生理數之自然也程明道教人於原字探討正是夫即孔子數言以觀圖則太極之動靜互根陰陽之兩儀分立二五之化生無窮善惡吉凶之相尋不已皆悉備矣孔子贊易廣大悉備故周子稱易亦曰大然以此圖觀之亦盡易之蘊故曰斯其至矣至者盡也斯指太極圖漁者既聞斯義遂釋然而去日放歌于清湖傲嬉遊以待盡了一年以自饗視世故皆瞬息也余卜其爲人嗟曰異哉有如漁之徒者而得與

聞於斯乎

漁對終

客對

有客至自南嶽叩其姓名不荅再叩之第曰關中族氏也與欵語皆當理因留宿客亦亮余志不亟去居數日飲梅洞微燠朗誦西銘蕩然橫乎天地萬物爲量而謂余曰汝能爲說乎余欲對似不能俯思久之忽悟先賢理一分殊四字抽繹去可立說也遂將西銘文揭條析義是爲客對

乾稱父坤稱母予茲藐焉混然中處

問客

對曰張子見道就從那大原上說將來了乾稱二句是

統言乾坤爲萬物大父母予茲二句張子自置其身在大父母中而爲之子也只此便透徹理一了客曰不稱天地而稱乾坤者何曰乾坤者健順之名也天地者覆載之形也所以易文只說乾道成男坤道成女又云乾元資始坤元資生貌小也以形言混合而一之謂也語曰乾坤大父母吾身小天地是也客曰受形之父母奈何曰能孝於父便是事天明能孝於母便是事地察

天地之帥吾其性天地之塞吾其體

客問

對曰此二句正見所以乾稱父坤稱母之義帥猶云主帥也以理言即太極也主宰化生萬物的故擬之曰帥

塞即孟子塞乎天地之塞以氣言蓋此氣無一息之停
無一處不到充滿周徧的故名之曰塞性是吾所以生
生之理蓋謂天地之主宰以化生萬物者即吾得之以
爲性也體猶云狀貌故朱子謂之體段乃吾之所由以
爲形者也蓋謂天地之氤氲不息聚而爲物者即吾得
之以爲體也吾其帥天地之性吾其塞天地之體則乾
坤不稱吾父母乎二吾字泛言與上文予字不同程明
道云所以謂萬物一體者只有此理即此理會去便得

民吾同胞物吾與也

客問

對曰二吾字即上文二吾字胞一體之義與愛之而不

傷也。即天地之帥吾性塞吾體。反觀到理一處了。故見得天下之民之物。雖其分殊而皆吾之同胞。吾之與也。以吾而視民。又及物固是分殊。又吾之中民之中物之中。又各各不同。亦是分之殊。然惟理一則其不同者。只因形氣就分別了。程子曰。人只爲自私。將自家軀殼上頭起意。故看得道理小了。蓋意最害事。意便是私。所謂人心也。軀殼上頭起意。只從那耳目口鼻上動意去。故私私勝。只爲意隔住。不見得一體道理。

大君者。吾父母之宗子。其大臣宗子之家相也。尊高年所以長其長。慈孤弱所以幼其幼。聖其合德。賢其秀也。凡天

問客

下疲癯殘疾惛獨鰥寡皆吾之兄弟之顛連而無告者也

對曰此又承上文民吾同胞一句而推其分之殊也而實皆同出於大父母正以見理之一大君統理乾坤之人大臣輔君以出治也其長以下四箇其字皆指大父母言尊如大君一吾父母之宗子貴如大臣一吾宗子之家相尊如年長吾父母之長慈孤弱幼吾父母之幼顛連危迫也推之至於顛連無告之輩皆吾之兄弟也程子謂仁者渾然與物為體只此理會得出来

於時保之子之真也樂而不憂紀乎孝者也道曰惇德審

仁曰賊濟惡不才其踐形惟肖者也

對曰此以下欲人反求諸身以自盡此理保謂守之而弗失翼敬也詩言小心翼翼能常保守此理則是猶子之能敬其親也若理得於心情暢於外而樂則上不怨天下不尤人脫然無累是猶子之純乎其孝而無毫髮不豫親之心也違者背而去之之謂則是猶子之逆其親也故曰悖德仁以心言自喪所受之理而陷溺其心是害仁也害仁則不孝之子忤逆父母故曰賊濟猶助也人性本善悖德害仁者不能改惡以從善是濟惡而爲不才之人不能奉事父母其字應上子翼純孝踐形

謂人受形於父母而具此理理完具而形用之故曰踐
形肖似也言此等子翼純孝之人皆合德於大父母而
爲天地之肖子張子至此見得理一處分明將天地視
爲吾所生之父母而求所以事之然後此理之在我者
有以全盡之而無歉也

知化則善述其事竊神則善繼其志不愧屋漏爲無忝存
心養性爲匪懈客問

對曰節正言事乾父坤母之道也善繼志善述事語出
夫子稱武王之孝化謂陰陽流形以生長收藏而變化
萬物者也知化知字郎乾以易知之知猶云主也謂裁

成輔相而代天之事也如此則是猶子能善於父母所
爲而續述之矣神謂陰陽不測之妙於穆不已而爲萬
物之命者也能窮之則與消息盈虛者合而代天之
心則是猶子能善於父母所存而繼承之矣不愧屋漏
能慎獨也无忝即詩言不忝尔所生心性皆大父母所
與我者惟暴弃者違而害之耳存之養之是能勉勉焉
以求全於父母之道詩言匪懈以事是也

惡旨酒崇伯子之顧養育英才額封人之錫類不弛勞而
底豫舜其功也無所迷而待烹申生其恭也體其受而婦
全者參乎勇於從而順令者伯奇也

昭

對曰此即古聖賢之事以明之崇伯子禹也鯀封於崇
稱崇伯鯀故謂禹爲崇伯子孟子曰禹惡旨酒頴封人
頴叔考也魯莊公誓不見毋考叔一言而感莊公遂毋
子如初左氏美之曰孝子不墮未錫爾類張子益謂天
雖非人之所養也人能去人欲而順天理乃可以事天
享帝則與人之好飲酒而不顧父母之養者異矣故曰
崇伯子之顧養育英才語出孟子育謂教而養之也英
才可進於善而能育之亦不過因其同然者而及之故
曰頴封人之錫類功謂功用恭謂敬之心也弛懈怠也
舜竭力耕田供爲子職至瞽瞍感德而天下化而天下

之爲父子者定故曰功人能事天而天心感悅則亦如舜之功也晉獻公聽驪姬之說殺太子申生申生曰君安驪姬是我傷公之心也竟不逃以待死故曰恭人能一聽于天至死不變則亦如申生之恭也體受歸全謂體其所受于天者而全以歸之也曾子戰戰兢兢至啓手足而後嘆曰免夫則是能體受歸全者人事天之心惺惺不昧充全天之所賦而朝聞夕死則亦猶是也尹吉甫以後妻之毀逐伯奇伯奇順親之命而出亡在外是可謂順親之令矣子之順親與人之順天其道猶是也蓋觀法于古人而推事親之心以事天則父天毋地

而踐形惟肖矣違曰背德害人曰賊者反是

富貴福澤將厚吾之生也貧賤憂戚庸玉汝于成也有吾

順事沒吾寧也

客問

對曰生謂生理成謂造就之也玉猶愛也富貴福澤謂
富貴之人享此福澤也貧賤憂戚謂貧賤之人有此憂
戚也人有幸而富貴福澤天非以是私之也蓋天將使
有所賴以爲善而益厚其生耳有不幸而貧賤憂戚天
非以是薄之也天將用是以困心橫慮而增益之俾之
底於成耳上文如古聖賢皆能體天之心而盡天道矣
順事謂所行之事順於理也寧安也謂安于斯也如爲

臣死于忠比于文山之類爲子死于孝如申生之類皆
死無遺恨與造物者遊豈不寧哉孔子曰未知生焉知
死今張子即其存之順而決其沒之寧蓋至是而於死
生之際可謂透矣爲人於父天毋逆必於沒寧而後可
了焉堯夫有云須知虛過死萬變恰似不曾生一般者
正謂此也對畢客離席揖余曰汝亦知言矣復飲余不
覺月白登樓望烏四際一目乾坤萬物豁然於襟張子
曰泯然中處豈虛語哉

客對終

客談先天數而曰旣謂之先天則未有天矣理氣未判
何從起數予曰先天鳴數神之也託數于神將以要之

也造化自然之數止于五用於十而數窮矣窮則是生
吉凶災祥客曰請言之曰太虛一九名曰無極數之一
也是生陰陽數之二也是生天地人數之三也又分爲
太陰少陽太陰少陰數之四也變化而氣行焉是生五
行數之五也由是相濟爲用相生爲物以一乘五數之
六也以二乘五數之七也以三乘五數之八也以四乘
五數之九也以五乘五數之十也故曰天數五地數五
河圖洛書五皆居中其神矣乎一造化之自然而不知
其所以然其神于十矣乎傳云數始于一終于十孔子
曰推一合十爲士蓋理具而氣行理隱而數彰雖天地

聖人莫之逃也當其先也天且無之而何有于數故曰
先天鳴數神之也夫造化唯理最圓無形而無始無終
數者盡也有盡則有反始終之際圓通之會也故有消
則必不息有盈則必有虧中庸曰天地之大也人猶有
所憾天地之不能出於數也如此故日月之相食陰陽
之愆伏星辰之變現陸游之變遷地動川枯以至堯之
禪舜必曰曆數孔子不得位必作春秋將謂之非數乎
然天地不失其爲天地聖人不失其爲聖人理有常也
大都理可極數不可極數極而不反者殃故師之百萬
不可以久壁敵或乘之矣金至百萬不可久儲盜或伺

之矣故君子一信于理有不可逃者數也夫世之言先天者必曰伏苓而歸于周易易六十四卦示人吉凶悔吝可趨而趨可避而避皆理也周子曰君子脩之吉小人悖之凶以理言也衍曰我未卜先知縱使先知果能挽不可逃之數而逆天乎子雲之閣郭璞之僊將何以自免哉易曰君子見幾而作不俟終日又曰幾者動之微吉凶之先見者也信于理一聽于天則心安而順矣日惺惺不敢昧于心平平不敢惡于人與人子語依于孝與人臣語依于忠與人交依于信如是而吉凶則非數之所能逃也嘗謂數不出一部易夫子曰神以知

來智以燕往又曰數往者順知來者逆是故易逆數也
逆之一字似是知未來事然聖人字之爲逆故其教人
曰不逆作不億不信抑亦先覺者是賢乎先覺二字宜
玩程子以明覺便是自然用智便是自私謂用之便是
二重五經先知程明道來亦不可同于至誠前知故程
子嘗語人曰人以料事爲明便駸駸入逆詐億不信去
也孔門唯子貢億屢中若在後世亦當在數學中人品
求之然聖人所許者又終日如愚之顏子也至郭璞李
淳風遂縱橫矣數本乎易也文王居羑里演易是文王
聖于數者也當時豈不先知紂當某日亡而告之武王

乎然史書未聞也堯夫嘗歎以數傳與二程二程不肯
從然程朱每惜堯夫多此一節大都數只那一念得之
堯夫詩曰思慮未起鬼神莫知不由乎我更由乎誰蓋
我者指念也當其未起念則鬼神且莫之知矣只動念
便知之蓋堯夫之數于起處得之一自問程子今歲甯
從何處起程子曰於起處起堯夫遂深服之蓋起處者
猶云念也乃云于起處起則得其數矣富鄭公病謝客
堯夫候之鄭公指胡床曰病中設此唯待君耳堯夫顧
左右更取一胡床曰日中當有一綠衣少年候公公雖
病強見之公薨後此人當秉筆紀公事公聽之既午果

范祖禹至遂延入公曰老病即死念平生粗懷忠朴也
日筆削累君願少留意可似失之矣富公相業耀海內
史氏自以公書堯夫何如人也只他日紀公事一言動
富公則近于私矣富公正人也所謂蓋棺事定而願少
留意一言不已陋乎范祖禹一時之賢自當秉天下後
世公議而顧遺公可書之義必囑而後書則失其爲祖
禹矣度是時富已氣息奄奄欲託後事所謂病中設此
待君便是他動念處而堯夫之數神矣又富公守西時
府第壯丹盛開召司馬溫公堯夫觀花時一欄凡數百
本坐客曰此花有數乎堯夫遂筮之畢曰凡若干朵使

人驗之一一如其數客又曰此花幾時開盡堯夫再筮之良久曰此花盡在來日午時坐客皆不吝富公因曰來日食後可會於此以驗先生之言明日果來會客坐少頃忽群馬廐中逸出與客馬相蹄啮奔入花叢中花盡折毀夫有開必盡者數也使對曰開盡時便盡如明道所謂起處起亦不必來日會驗但會驗一語是念頭中他處正所謂不由乎我更由乎誰也昔寶儼善術數其兄儀嘗鄙之儀有兩花椅儼謂兄曰一隻某月某日先破儀聽之愛護尤謹至期命僕者收置隨被僕毀之夫物有成必有敗而儼謂此椅某月某日當毀而儀

焉則念動矣此所以中之也獨不見海上翁狎鷗之故
事乎物且然而况人之靈乎嘗閱寶藏論五通之說雖
非正而近于不用術又禪家法門以無念爲宗無相爲
體無住爲本雖不請儒理而無念二字則私泯矣昔有
告晦菴先生須得堯夫先知之術先生曰吾所知者惠
迪吉從遙凶滿招損謙受益而已上蔡謂二程先生不
貴其術者蓋以此余因談術者動輒託言于堯夫故與
客商之非敢妄議堯夫先生也嘗閱晉書郭璞過顏含
欲爲之筮含曰年在天位在人脩已而天不與者命也
守道而人不知者性也我有性命無勞著龜璞無以應

之而術亦不顯于舍後舍亦享年九十三而卒孰謂舍
其拙哉余寧人舍之拙無爲富貴二公之好巧以俟天
佛氏脩性不脩命老氏性命無脩老氏以煉精化氣認
作吾儒脩身了煉氣化神認作吾儒正心了煉神合虛
認作吾儒誠意了

何燕泉孟春引懷公提倡語曰鴈過長空影沈寒水鴈
無遺跡之意水無留影之心又引東坡詩人生到處知
何似還似飛鴻踏雪泥泥水偶然留爪指飛鴻那復記
東西而批云讀者試思向來陳迹可爲一嘔世事轉頭
尚足問耶夫二說皆禪語不落色相云尔蓋相而無相

空而不空乃真空妙覺燕泉此批似看得落窠套了再
觀秣林伐山楊用脩收僧齋已詩重城不鎖夢每夜自
歸山亦但以辭句目之似亦未領其要者

客有談及古今女子而獨詩稱哲婦傾城何也曰女子
稟得清穎異人往往有之只緣他聰明姿麗能動人人
爲他所動便壞了事試以載籍中一二言之汝陰太守
李矩妻衛氏名鑠字茂濟極善書杜甫詩云學書雖學
衛夫人但恨無過王右軍魏曹植嘗求甄后遺女不遂
太祖因以與五官中郎將植思之至忘寢食黃初中入
朝帝示植王縵金帶枕植見之不覺泣下時已爲郭后

說死帝意亦寤因令太子番宴以枕資植植還度懷輶
將息洛水上忽見女子来自云我本託心君王其心不
遂枕是我嫁時從嫁前與五官中郎將今與君王遂用
薦枕席歡情交集又云豈不歆常見但爲郭后以糠塞
口今被髮掩面羞將此形貌重覩君王耳言訖遂不復
見所往遣人獻珠于王王答以玉佩悲喜不自勝因作
感甄賦後明帝改爲洛神賦云素符堅時寶滔字連波
曰安將軍鎮襄陽初聘陳留令蘇道曾第三女名惠
字若蘭識解精明儀容秀雅年十六歸滔滔甚敬之蘇
性妬滔有寵姬趙陽遂歡舞滔置之別所蘇力求之

輒加誦楚辭薄以爲恨及有東歸之命遂與同往蘇念
不與偕行涕遂携陽臺之任斷以昔問蘇恸恨自傷因

織錦迴文縱橫八寸題詩二百餘首計八百餘言

又按

蘇氏冊王氏撰天寶初文詩凡八百十二字與此事相類皆成章句其文點畫無缺

名曰璇璣圖讀者莫曉也蘇氏笑而語人曰徘徊宛轉
自成一家非我佳人莫之能解遂令發頭養至襄陽

涓省覽錦字感其妙絕遂送陽臺之閣中迎蘇氏恩好

如初蘇所著文辭五千餘言緣隋亂多散落獨璇璣圖

傳于世又有竇玄之妻某贈玄書云棄妾斥女敬白實
生卑賤歸隨不如貴人妾日以遠彼日以親何所控訴

仰呼蒼天悲哉賈生衣不厭新人不厭故悲不可忍怨

不可去彼獨何人而居我處

此猶怨辭

徐淑者秦嘉妻也淑

答嘉書云知屈珪璋應奉歲使

時嘉有疾故云

策名王府觀

國之光雖失高素皓然之業亦是仲尼執鞭之操也有

初承問心切東還迫疾未宜抱歎而已日月已盡行有

伴例想嚴裝已辦發適在近誰謂來遠企予望之室迹

人遐我勞如何深谷遙遙而君是涉高山嚴嚴而君是

越斯亦難矣長路悠悠而君是蹇冰霜慘冽而君是履

身非形影何得動而無體非比目何得同而不離於

是詠萱草之喻以道思愛之思則今者之恨以待將來

之歡今適樂土優遊京邑現王都之壯麗察天下之珍
妙得無目玩意移往而不能出耶嘉報之淑又有書云
既惠令音兼賜諸物厚碩慙慙出于非望鏡有文彩之
麗釵有珠異之現芳香既珍素琴亦好惠異物于鄙陋
割所珍以相賜非豐恩之厚孰肯若斯覽鏡執釵情想
彷彿操琴詠詩心思成結勅以芳香馥身喻以明鏡鑑
形斯言過矣未獲我心也昔詩人有飛蓬之感班婕妤
有誰榮之歎素琴之作當須若歸明鏡之鑑當待君還
未覩光儀則寶釵不列也未侍帷帳則勞香不發也此
語有詩人誰中郎將蔡邕有女蔡琰字文姬邕嘗夜鼓

琴絕絃瑛曰第二絃也曰偶得之耳故斷四絃問之並
不差譟適河東衛仲道遭亂入胡在胡中生二子曹操
遣使贖之再嫁並祀瑛自傷失節而不能忘二子因作
悲憤詩及胡笳十八拍後曹操一日問文姬曰聞夫人
家先多文籍今當使十吏就夫人寫之文姬曰妾聞男
女禮不親授乞給紙筆直草惟命於是繕寫送之文無
遺誤然胡中之辱難脫矣楊庶夫詩云中郎有女能傳
業傳得胡笳業不如惜之也程子曰失節事極大列女
傳載荀爽女荀采已妻陰瑜瑜早世爽逼之改同郡郭
奕彩懷乃自誓死之書屏曰尸還陰故李東陽擬古樂

府新絃曲云有書何必教有女翻為舜君有荀爽妻一
在書中是此又不在文字間取之

著談及文中子不仕予曰當隋時虞世基掌朝政又煬

帝不道世基遣使謂文中子曰盍仕乎文中子曰通有

疾不能也飲使者歌小明之詩詩言大夫所以遠之世

基開之曰吾特遊緇纒之下也君夫子可謂冥冥矣楊

子曰鴻飛冥冥弋者何慕且子雲言之矣竟不免于漢

莊子列禦寇篇人有見宋王者鑄車十乘以其十乘駟

釋莊子莊子曰河上有家貧恃蕭緇而食者其子沒于

淵得千金之珠其父謂其子曰取石來鍛之夫千金之

珠必在九重之淵而驪龍領下子能得珠者必遭其虺
也使驪龍而寤子尚奚微之有哉今宋國之淵非直九
重之淵也宋王之猛非直驪龍也子能得車者必遭其
睡也使宋王而寤子爲齏粉矣或聘莊子莊子應其使
曰子見夫犧牛乎衣以文繡食以芻菽及其牽而入于
太廟雖欲爲孤犢其可得乎莊子竟其寤不仕者文中
子之不仕想他見特只如此看子雲失之矣

世稱嚴子陵爲光武故人及讀鄧禹本傳謂禹年十三
與光武同遊京師禹年尚幼一見知其非常人遂相親
附數年歸家是禹亦光武故人也一則高嚴陵之風一

則爲中興之佐各居其是而已

嘗讀論語患不知人章竊謂孔子大聖也而及一細何也今來始知知人一事最難宋周濂溪光風霽月何如人品也趙清獻以位相臨甚辱下之程明道玉質金姿人之粹者孔文仲論明道一疏多醜語雖最下人品亦不至此甚矣趙孔號當時人傑而不知二先生何哉故曰晏嬰智矣而不知仲尼人必能知人而後可以言智故曰惟聖然後知聖第我不知人便于已分数上減了多少此聖人所以爲憂

客一日談咸卦予曰此卦取彼此交感之義世間唯男

女之感最真故聖人取焉因言君子之受善一如此也
蓋其感人與夫受人感者惟一理耳

客談孔子畏匡微服事子曰天人不二能盡人事便是
聽天若子畏於匡微服過宋亦是聖人盡人事處昔見
莊子書河伯謂既聽造化之所爲因謂北海若曰然則
何貴於道耶言不必北海若曰知道者必達於理達於
理者必明於權明於權者不以物害已至德者火弗能
熱水弗能溺寒暑弗能害禽獸弗能賊非謂其薄之也
言察於安危寧於禍福謹于去就莫之能害也莊生此
說亦可與聖人之用合權字即孔子可與權之權蓋權

爲聖人之妙用故孔子之處

事正見他妙處林希

逸謂莊子到這裏說箇權字自

家

陳壽作三國志藏于家既沒賴范頌表之而後其書顯
於朝楊子雲太玄經得陸績以著晉王長文著書四卷
擬易名曰通玄經有文言卦象可用卜筮時人比之楊
雄太玄經同郡馬秀曰楊雄作太玄惟桓譚以爲必傳
于後世晚遭陸績玄道遂名文通玄經未遭陸績君出
耳嘗觀晉庾翼初不服王羲之書嘗貽人書有云小兒
輩賤家雞愛野雞皆學少逸書及見右軍與亮翼書乃
深服之因復羲之書云吾昔有伯英草十紙過江亡

失常歟妙迹未絕忽見足下荅家兄書煥若神明頓還
舊觀又陸機初聞左太冲作三都賦不服與弟雲書云
此間有一傖父欲作三都賦須其成以覆酒甌耳後思
賦出機始大服夫大舜好察迩言孔子聰孺子歌聖人
之世自殊若其書之顯晦雖聖人六經非西漢之表章
宋儒之講明亦何傳焉

民間行慶賀禮往往用羊酒按前漢聘后黃金二百斤
馬二十疋亦無用羊之旨至王肅納徵辭云玄纁束帛
儷皮鴈羊又鄭氏婚物贊曰羊者祥也然則婚之有羊
自漢末始也觀此則知今日用羊之始

太史公曰東方朔始生西方物之成熟夫作事者必
始于東南收功實者常於西北故禹興于西羌湯起于
亳周之王也以豐鎬伐殷秦之帝用雍州興漢之興自
蜀太史公之說如此我

太祖渡江定金陵始轉而北定中原蓋劉太史初在吳中
觀象曰東南有天子氣蓋亦自其天運然矣後

成祖靖難又自北起遂定都北平所謂收功實于西北者
非耶左氏亦云天道多在西北

世傳奸僧嘗見南唐小長老之事可鑒也南唐中主後
主皆佞佛而後主尤酷廣爲寺塔其臣汪煥切諫不聽

時有北僧號小長老自言募緣而來多持珍寶怪物徧
賂貴要朝夕入論輪迴果報之說後主傾信尊爲一佛
出世所服皆鍍金絳羅後主疑其非法荅曰陛下不觀
華嚴經安知佛之富貴因說後主多造塔像請于牛頭
山造寺千餘間聚僧千人日給盛饌有不盡者謂之折
倒造爲妖語動挫人心俾帑藏耗竭贍兵不繼及宋師
渡江即寺爲屯不煩營構乃知其爲間也又一僧來南
唐于采石磯立塔草衣糲食施遺皆不受宋師下池州
繫浮橋于石塔屹然完固金陵受圍召小長老退兵乃
揚言曰北兵雖強豈能當我佛力登城一麾敵兵偽退

未幾梯衝環城矢石如雨倉皇召小長老稱疾不至矣
蓋宋人救于佛而北兵因其所好者耳當危急時猶召
沙門德明等講楞嚴圓覺經令闔城誦救苦菩薩其迷
溺如此

劉歆華終論曰死生之事聖人罕言之矣孔子曰精氣
爲物遊魂爲變知鬼神之情狀與天地相似而不遠其
言約其旨妙其事隱其意深未可以臆斷難得而精覈
聊肆狂瞽請試言之夫形慮合而爲生魂質離而稱死
合則起動離則休息當其動也人皆知其神及其寂也
物莫測其所趣皆知則不言而義顯莫測則逾辯而理

微是以歟華陽而莫陳姪孔抑而不說前達往賢互生
其見季札云骨肉歸于土魂氣與不之在周云生爲性
後死爲休息尋此二說如或相反何者神與不之神有
也死爲休息神無也原意云夏后氏用明器示民無知
也殷人用祭器示人有知也周人無用之示民疑也考
之我籍陰之前志有無之辯不可歷言若稽諸內教判
乎釋部則諸子之言可尋三代之禮與越何者神爲生
本形爲生具死者神離此而即非彼具也雖死者不可
復返而精靈或變或皆滅絕當其離世之日最用顯然
故夏氏明器示民死即彼之時魂靈知感故殷人祭

一曰無傷厥義故周人有無用之禮尼父發遊魂之唱
不其然乎夫形也者無知之實也神也者有知之性也
有知不獨存依無知以自立故形之與神逆旅之館耳
及其死也神去此而適彼也神已去此館何用存速朽
得理也神已適彼旅何所祭祭則失理而姬孔之教不
然者其有以乎蓋禮樂隆興出于澠薄姬豆綴兆生于
俗弊施靈遊陳棺擲設與饋建醴醢盡飲令孝子有追
思之地耳夫何補于已遷之神乎故上古衣之以薪桑
之中野可謂尊虛赫胥皇雄炎帝歸于失理哉是以子

羽沉川漢伯方城文楚黃壤士安麻衣此四子者得理也忘教也若從四子而遊則平生之志得矣然積習生常難卒改革一朝建志儻不見從今欲棄舊履厚祿存儉易不傷存者之念有合至人之道孔子云歛首足形骸葬而無槨斯亦貧者之禮也子何陋焉且張魚止用幅巾王肅唯盥手足范甯強畢便葬奚珍無設筵几文度故舟爲椁子應牛車載婦叔夜誠絕墳體康成使無卜吉此數公者尚或如之况于吾人而當華泰今欲髣髴景行以爲軌則儻合中庸之道庶免徒費之譏氣絕不須復魄盥洗而殮以一千錢市治棺單故初衫衣巾

枕履此外送待之具棺中常物及餘閑之祭二不得有
所施世多信李彭之言可謂惑矣余以孔釋為師差無
此惑歛訖載以露車歸子舊山隨得一地地足為塋塋
足容棺不須碑甃不勞封樹勿誤祭享勿置几筵無用
茅君之虛座伯夷之朽木其蒸嘗繼嗣言象所絕事止
余身無傷世教家人長幼內外姻戚比厥朋友及寓所
咸頌成余之志按歐幼識慧六歲誦論語毛詩便能問
難十一讀莊子逍遙篇曰此可解耳客問之隨荅皆有
情理與族弟訂結志同居相娛而已長不娶不仕嘗欲
避世以母老不忍因獨坐一室忽一老公至語之曰心

力勇猛能精心生但不得久滯一方耳遂彈指而去比
長猶精心學佛在興皇寺遇道人釋寶誌者驚謂之曰
隱居學道清淨登佛如此三說天監十七年忽著華終
論明年春人爲其庭中植柿密謂兄子弁曰吾不見實
尔其勿言是秋果卒年三十二謚貞節劉訐性至孝數
歲父母俱亡往依伯父及長不聘妻本州刺史張稷辟
不就挂檄于樹而逃訐善玄言尤精釋典與歐聰講于
鍾山諸寺遠共卜築居焉年三十一卒臨終執歌手曰
氣絕便歛歛畢即埋不須立靈筵亦無求繼嗣其宗人
至父爲立石銘之謚曰玄貞又同時有劉勰家貧不遊

娶依沙門僧佑十餘年。遂博通經論。因分類錄之。今定
林經藏其所手也。有勅與僧慧震撰經證功畢。遂啓求
出家。先髻鬚髮以自矢。乃于寺變服更名慧地。未期而
卒。嘗觀勳作文心。雕龍論五十篇。論古今文體。夫文心
者。言爲文之用心也。昔消子文心。王孫巧心。心哉美矣。
夫故用之焉。古來文章以雕繆成體。豈取勳與群言雕
龍也。位理定名。彰大易之數。其用四十九而已。論成木
爲時流所稱。勳自重其文。欲取定于沈約。約時貴盛。無
由自達。乃負其書。候約出于之于車前。狀若雀驚。約
讀之稱賞。常陳諸儿案。然其貶徇之辱。亦可痛矣。人以

此評三觀蓋一不如二云

客談佛性予曰圓而寂者佛性之體圓而照者佛性之用然與吾儒之論性則異矣佛以神言儒以理言以神言者體用專于內也以理言者體用內外合也

曹子臧云前志有之聖達節杜預註聖人應天命不拘常禮也竊謂湯放桀武王伐紂古來伐無道君自湯武始所謂達節事二聖足以當之故易曰湯武革命順乎天而應乎人然後湯武之爲聖人有定論矣後世僭中散云至死而殷周蘇東坡謂武王非聖人畢竟於這因上難過况紂帝人而欲改之終逃不得篡竊之罪故孔

子教人必曰可與立未可與共

問人不問位晉書其罪太守高遺吏之入境問使

曰此郡人士為誰史曰有蔡子无江應元是時郡人多

是也然則何以但其姓名曰甲乙等非君郡人亦更曰

笑而止到郡以吏言謂像曰舊名北郡有風俗果然小

吏亦如此按系克字子尼少好孝悌涉書記為郡族所

敬任公亮正行無所阿尼常行造入遇克在生整終

才經誤膠說異無所阿尼常行造入遇克在生整終

席楚不自安克時為漢士而見憚如此後咸都王穎擢

克為東曹掾克素有器量及居還官苟進

之徒望風畏憚尋以朝政舊弊遂絕不仕

受吊不受慶唐岑文本始為中書令有憂色好問之若

者輒曰受吊不受慶或為其營座業文木數曰台溪南

一布衣徒步入閤所望不過秘書卿縣治耳以文舉位

宰相奉積已重尚何疏唐某耶

陰陽氣也。屬天剛柔質也。屬地人有氣質而陰陽剛柔
倫焉。故禮記曰：人者天地之交。

客問：莊子云：易以道陰陽，何謂也？予曰：此句最得聖人
作易之義。蓋天地間事物皆陰陽之所爲，只可說
箇陰陽。故易之卦爻不過是箇陰陽而已。至其所以然
處，是太極了。若太極如何道得？觀繫辭第五章首曰：一
陰一陽之謂道。是說太極亦只說箇陰陽。終曰：陰陽不
測之謂神。是說顯仁藏用之妙處亦只說箇陰陽。所謂
易以道陰陽者，類如此。若上一箇說離了陰陽，便是講
貴尚必危。篤愛藏毒。漢高祖甚誤。武夫人呂嬃嫉呂太

恨之高祖崩遂殺戚夫人及趙王如意當時惟薄姬稀
見高祖呂亦不甚怨後呂幽宮中凡得幸高祖者而成
夫人子毋獨慘薄姬以稀凡兒怨恨子亦得爲代王姬
從子之國爲代王太后後其子入爲帝又得稱薄太后
貴顯父與弟使其在高祖時同寵則其粉於呂媼娥之
手同作人魂鬼矣嘗云愛而示之以不愛謂老子術非
耶武帝年已老始生昭帝纔五歲立爲太子命畫工畫
周公負成王圖託霍光昭帝毋趙婕妤好鉤弋夫人也夫
人幼好清淨因卧病右手捲飲食少武帝過河間望氣
者言此地有奇女召見之姿色甚佳帝爲披其手手遂

仲幸之生昭帝後武帝欲立昭帝一日譴責婕妤即遣人持去送掖庭獄死之左右叩其故帝曰往古國家所以亂也由主少母壯也汝不聞呂后耶故諸爲武帝生子者無男女其毋無不譴死夫武帝爲子慮遂使婕妤未有可疑之惡乃以所懲而遇之死死以無辜緣高祖襲秦未立家法使太后不敢干朝政又未立法使不得輕易太子故其流禍至此言曰戚姬緣寵以殺其子昭帝因愛以死其毋正是骨肉相殘余於漢事有感客談養疾須以樂故稱樂爲劑予曰聞易云勿樂有喜此法吾儒常用之宋太醫孫思邈字景初爲士夫養樂多

不受謝自號四休居士黃山谷問其說昉笑曰粗茶淡飯飽即休補破遮寒煖即休三平四滿過即休不貧不妬老即休山谷曰此安樂法也四休家有三畝園花木鬱鬱客來煮茗傳酒談上都貴遊人間可喜之事或茗寒酒冷賓主皆相忘山谷居與四休相望暇則步草徑相尋山谷因作二小詩遺之以侑酒茗一云富貴何時潤鵲樓守錢奴與抱官囚大醫診得人間病安樂人間萬事休一云無求不着看人面有酒可以留人嬉欲知四休安樂法聽取山谷老人詩又宋李旼九河公語錄云旼苦君旣瘵請謁公曰子於病中曾會得移心法否

畋對未也。公曰：人能於病中移其心，如對君父，慎之靜之，自愈。又金史楊雲翼嘗患風痺，得稍愈，其君哀宗親問愈之方，對曰：但治心。尔心和則邪氣不干。即前輩所云安樂法移心法。治心法皆勿樂有喜也。扁鵲嘗言病有六不治：驕恣不論于理，一不治；輕身重財，二不治；衣食不能適，三不治；陰陽并，臟氣不定，四不治；形羸不能服藥，五不治；信巫不信醫，六不治。若此六不治，必不知安樂法。且不知移心治心，何藥可醫？此當與養病者告之。昔人云：自身有病，自心知覺，病還將心自醫。心境靜時，身亦靜；心生還，自病生。時人堯夫詩：百病起于情。

情多病亦多旨哉

仕遊豪達自古難其人實讀宋史王華有雋才長於詩
後蘇軾遊軾守滁州華往訪之與客遊泗水登艸山吹
笛飲酒乘月而歸軾待之于黃樓上謂華曰李太白死
世無此樂三百年矣軾得罪華亦貶賓州數歲得還豪
氣不少挫後歷宗正丞以跌蕩傲世每除官輒爲言者
所譏故終不顯吁軾知華能繼三百年後之風流可不
難哉

人於戲語中看古人更說得古人心緒出緣是讀書上
夫如梁肅四皓贊云道可佐皇而臨于帝治是以崆峒

箕山之長揖于軒堯也德宜輔王而偶生伯世則四皓
之所以晦明於漢氏也是言崆峒箕山以道自處四皓
以德自高各全其心各適其時耳又云秦失其鹿蒙傑
並遂鸞鳳何依白雲深谷言四皓所以處秦而處皇儲不安我德
用顯大君是驚惠位是寧四公屈身天下和平言四皓所以為
惠帝弋者何思鴻飛冥冥言四皓所處竊謂四皓幾于聖
人之量肅可謂深于四皓者若常渠牟李華之作似不
道理用處毫釐過不得若任情處便有弊如法以止亂
也法峻則亂必生禮以嘉會也禮勝則會易離豈法與
禮不可用哉用之者流于勝也又如古聖賢之畫孝必

不至有割股有理况事古聖賢之盡忠必不至其諫
君或不至殺身縱使殺身成仁祇以顏沛必是之意若
他危邦不入亂邦不居有道則見無道則隱又何至于
殺身也昔程正叔于曾子耘瓜事而曰曾子至孝如此
亦有其失處若是舜百事從父毋只殺他不得又人問
如申生待烹之事如何曰此只是恭也若舜須遜也觀
正叔斯言便可論上古聖賢之事後世只從太過刻苦
處取人亦是行過乎恭之意非中道也

國朝不設諫官祇於六科廊設六科給事中凡各奏章即
奉

聖旨各科勘其中事理得詳奪可否行止復奏謂之封駁
又都察院設十三道御史凡有奸邪不軌之狀得奏劾
謂之彈糾相傳以兩衙門爲言官誤矣每詔書皆云大
下軍民利病許諸人直言無隱古來言路無如我
朝之廣開

客有談成住壞空子曰成住壞空只專說得箇形了若
實際原無壞亦非空故曰真空不空昔蘇東坡書焦山
綸長老壁云法師住焦山而實未嘗住味實未嘗三字
卽所謂處世爲浮生浮字義此當與真空字相體貼
君子謂侯死爲待盡董卓收皇甫規妻鞭撻之謂持杖

一者曰何不重乎速盡爲思速盡樂云速死也

客談先儒說氣有聚散何處見之予曰氣何嘗有聚散太虛中一氣嘗周流不息周子只說動而生陽靜而生陰且視之不見聽之不聞何處見也聚散只到那氣以成形便是箇聚的意思及其形滅又見箇散的意思若太虛中一動一靜只此流形不息何聚散之云

詩亦難識詩人多寫其自得處如以其辭而已恐或失之唐詩品有詩云獨行潭底影歛息樹邊身乃自註一絕于其下云二句三年得一吟雙淚流知音如不賞歸卧故山秋後隱君詩話乃吸之曰人豈不自知及自愛

其文乃更大繆何耶不知此二句有何難道至于三年始成而一吟下淚也竊謂潭底影是空樹邊身是幻數息是假獨行是真島嘗學禪三年有得頓悟也一吟雙淚流即禪家驚悟大汗之謂嗟乎豈知異世下賢如隱居者而不賞之乎又島哭栢島和尚詩云苔覆石床新吾師幾占春寫番行道影焚却坐禪身曰影曰身皆幻也寫字焚字須細塔院關松雪房門鎖隙塵所閱者松雪所鎖者自嫌玩雙淚下不是解空人島自悔今日之哭亦兒女子私情耳豈識師之歸真空無生滅也後六一居士亦詆之曰寫番云六身時人謂之燒殺和尚真可笑也何居士之高亦坐此也偶讀而書之以俟

後之君子共賞云尔

客談坐功予曰曾聞釋氏云安那此云遣來入息也釋
氏云般那此云遣去出息也出息爲生死陰入息爲思
想陰或云先數出息氣則不急身不脹滿身心輕利三
昧易成或云先數入息隨息內斂易入定故或云當隨
便宜以數出入若心輕淨繫心丹田當數入息若心昏
沉繫心鼻端當數出息皆不許出入俱數提婆菩薩云
佛說甘露門名阿那波那於諸法門第一安穩道又菩
薩多羅在東印度國國王問曰諸人盡轉經惟師爲甚
不轉答曰貧道出息不隨衆緣入息不若蘊界常轉如

是經百千億萬卷非但一卷兩卷蘇東坡曰已饑方食
未飽先止散步逍遙務令腹空當腹空時即入靜室端
坐默數出入息從一數至十從十數至百此身兀然寂
然與虛空等不煩禁制如是久之二息自住不出不入
時覺此息從毛竅中分八萬四千雲蒸霧起無始以來
諸病自除諸障消磨自然明悟辟如盲人忽然有眼爾
時不用並指路人也昔維普云人于參學此道用心處
謂用工夫又云初不曾有做工夫之說惟是單提此事
俾之言下領悟也若吾夫子曰不憤不啓不悱不發不
以三隅反則不復更問所以三隅反者正是學者用功

處也故夫子又云飽食終日無所用心難矣哉蓋學者之不用心雖聖人亦未如之何今遇人而輒問下手工夫却是大謬

唐荊州陟岵寺僧玄覽詩大海從魚躍長空任鳥飛朱文公甚愛之且跋之曰大丈夫處世不可無此氣象亦僅之事楊升菴甚惡之若六公則不以人廢言

始皇帝元年是政之存日李斯等議自號始皇帝始者萬世之始其子胡亥遂爲二世皇帝父莊襄追稱太上皇未嘗稱皇帝蓋嫌於始之義云至漢時趙佗自立爲南越武王曰武者若謚然帝昭曰生以武爲號不稱於

古也蓋自秦政師心立制不考信六經遂使三代以前之意蕩然矣按漢高祖紀高祖崩群臣皆曰高祖起微細撥亂世反之正平定天下爲漢太祖功最高上尊號爲高皇帝太子襲號爲皇帝夫曰襲者秦也後世云上徽謚尊號自此始宋儒謂漢襲秦及讀高帝紀諸大臣傳表想高祖旣除秦見秦制恁地尊君抑臣挾懾黔首心竊服之又當時諸大臣皆戰國權謀之遺以故一切盡襲秦使先王禮樂一截泯焉漢高祖之罪也一始皇下至今談其人則惡之而用其制則不知惡抑又何哉武帝始表章六經然後先王禮樂猶見其緒者又武帝

之功

人間厚風俗一節最先在合族屬嘗觀魯人有同姓死

而弗吊者人曰在禮當免

音問

不免當吊不吊有司罰之

如之何子之弗吊也曰吾以其踈遠也子思問之曰無

思之甚也昔者季孫問於夫子曰百世之宗有絕道乎

子曰繼之以姓義無絕也故同姓為宗合族為屬雖國

子之尊不廢其親所以崇愛也是以繼之以食序別昭

穆萬世婚姻不通忠愛之道然也范文正公之為叅政

也曾告諸子曰吾吳中宗族甚衆于吾固有親踈然吾

祖宗視之則均是子孫固無親踈也苟祖宗之意無親

踈則饑者吾安得不恤也自祖宗來積德百餘年而始
發於吾得至大官若獨享富貴而不恤宗族異日何以
見祖宗于地下又何顏見家廟乎於是恩例俸賜常均
於族人并置義田宅云程子曰凡人家法須令每有族
人遠行則爲一會以合族雖無事亦當每月一爲之占
人有花樹帝家會法可取也然族人每有吉凶嫁娶之
類更當相與爲禮使骨肉之意常相通骨肉之疏者只
爲不相見情不相接耳蘇氏族譜序有云今日之相視
如途人者其初兄弟也兄弟其初一人之身也類如此
言是亦古人厚風俗大端也故嘗言曰人能厚於兄弟

便是不忍忘祖之心人能厚於宗族便是不忍忘祖之心

本人入仕或以念頭差墜往往以墨敗官或取法辱只
不曾體貼前輩好言語來也嘗觀梁徐勉雖貴顯不營
產業俸祿以給親屬之窮乏門生故舊或以爲言勉荅
曰人遺子孫以財我遺之以清白子孫才也則自致轡
駟如其不才終爲他有此猶尋常語意耳未見他高慶
及讀其誡子松書有曰吾家世清無缺常居貧素至于
產業之事所未嘗言非直不經營而已中年聊于東田
間營小園者非在捕藝以要利入正畝穿池種樹以寄

情實又以郊際閑曠終可爲宅儻或懸車致事實欲歌
哭于斯聖日十住等旣應營婚又須住止吾清明宅無
相客處所以尔者亦復有以前割西邊施宜武寺旣失
西廂不復方幅意亦謂此逆旅舍耳何事煩華常怪時
人謂是我宅古往今來豪富繼踵高門甲第連閣洞房
宛其至矣定是誰宅又曰近營東邊兎孫二宅乃籍士
住南還之資其中所須尤爲不少旣率錢不至義不可
中塗而輟郊間之園遂不辦保皆與帝繫乃獲百金成
就兩宅已消其半憶謝靈運山家詩中稱天地物今成
鄙夫有吾此園有之二十載矣今爲天地物物之與我

相校幾何哉又曰吾年時已暮心力稍殫幸課未公莫
不克舉其中餘暇裁可自休或復冬日之陽夏月之陰
良辰美景文案閒隙時或歸爲逍遙隨館臨池觀魚披
林聽鳥濁酒一盃彈琴一曲未數刻之暫樂庶君常以
待終不復復之矣爾年務汝亦勿復與吾言之假使堯
水湯旱吾豈知如何若其盈庾盈箱爾之幸過如斯之
事並無候令吾知也宋范文正在杭州子弟以公有退
志乘間請治第洛陽使園囿以爲逸老之地公曰人苟
有道義之樂形骸可外况居室哉且西都士大夫園林
相望爲士人者莫得寧遊而誰獨障吾遊者豈必有諸

已而後爲樂耶。俸賜之餘，宜以贖宗族。若曹遵吾言，無以爲慮。夫二公皆見理到處，故其言如此。讀者宜無忽於斯。

君子謂矯情之事，聖賢不取。然末世任情濫觴，非矯無以近道。嘗謂漢田叔爲魯相，數年卒于官，魯以百金祀少子仁，不受。曰：義不傷先人名。唐選爲禮部尚書，旣卒，尚書省及吏致賻其子孝友，一不受。以行父志。宋蔡沆從父元定謫道州，元定渡徒步護葬，以還有道之金者，輒謝却之。曰：吾不忍累先人。曹修古知興化軍，卒于官，賓佐賻錢五十萬。季女泣曰：其母曰奈何以是累吾先

人卒拒不受何燕泉稱之曰仁可謂漢之孝而秦孝友
克肖子也蔡氏父子道孝之儒也脩古季女之識乃亦
爾耶其先人德之所化然也又歐陽永叔爲蔡高墓志
云太康主簿蔡君山卒其妻程氏一男一女皆幼縣之
人哀其貧以錢二百千爲之贈程氏泣曰吾家素以廉
爲吏不可以此污吾夫拒而不受燕泉稱之曰予於是
知君山能以惠愛其縣人而以廉化其妻妾也竊謂贈
與賻自古聖人有之黃范純仁麥舟助喪謂當時助之
與夫愛其助者皆兩得之若仁與孝友諸輩所處皆涉
矯情惟蔡沉當偽學之禁言者說說若又受人之遺其

累多矣拒之可也以死者之燕至拒人之贈賻則於孟子交際一章似打疊不過又不知聖人贈賻之禮爲生者乎爲死者乎雖然以君所爲可爲末世之濫受者耻故君子與其濫也寧矯予於燕泉亦云

我

國朝洪武時猶從漢唐遺事有官妓後來御史用之太縱恣廢曠爲都御史顧佐奏革至今遂以此爲官箴一入仕無訖崇卑一染風聞即被考察嘗觀唐杜牧嘗以御史分司洛陽時李司徒與鎮閣君聲妓爲時第一有紫雲尤擅名每開筵朝士爭先以牧特恩不敢邀牧連

竟幸因馳書謁之牧遂往而聚妓已集牧下妓行盞目
注視滿飲三卮徐曰聞有紫雲者誰李目之牧凝良久
曰名不虛得宜以見惠李浼首笑與妓皆破顏又自飲
二爵因口占云華堂今日綺筵開誰喚分司御史來忽
發詔驚西座三行紅粉一時回先是唐太和末牧以待
御史出贊宣城幕間湖州多名妓因往遊會紫雲崔公
作刺史崔承意籍致名妓牧皆無常於心語刺史曰願
得張水殿使州人舉觀候其宴合求之或有遇者崔如
其言竟暮廬所解將忽有老嫗携一女年纔十餘歲
牧熟視曰此真國色因使語姥將置舟中姥女拱牧曰

且不即納吾十年後必爲此郡若不来乃從所適因結
以重幣大中三年牧果刺湖州時女已從人生二子矣
聞其事因題云自恨尋芳到已遲往年曾見未開時如
今風摧花狼籍綠葉成陰子滿枝又芝田錄載教在牛
僧齋師維揚慕多微服出僧孺俱不測往往以衛士數
輩清護於後以拾遺召僧孺以足相規因出街子輩衆
帖一篋貽之牧大感服有詩云落魄紅湖載酒行楚腰
腸斷掌中輕十年一覺揚州夢幾得青樓薄倖名按牧
豪邁也因別杜甫稱小杜陵云又南唐韓熙載北海人
少張嵩山登唐同光中進士放蕩不檢補和常祿三州

從事雖落魄不偶不以介意南唐先主受禪召爲秘書
使事主于東宮諭之曰以卿早奮名場踈尚未更事故
使歷州縣之勞行用卿矣宜善自脩飭輔吾兒也熙載
亦不謝在東宮談笑而已不嬰世務中主邸位拜史館
修撰上疏論契丹事貶和州熙載性忽謹細畜妓四十
輩縱其出與客雜居物議閼然熙載密謂所親曰吾爲
此以自污避禍難耳老矣不能爲千古笑後主嗣立頗
短其少檢乃盡斥諸妓後主深喜尋復其官欲大用之
已而去妓悉還故態不改後主嘆曰吾亦無如之何矣
尋進中書侍郎卒年六十九後主謂侍臣曰吾竟不得

相熙載欲贈平章事古有事否或對曰若劉穆之贈開
府儀同三司即故事也乃贈右僕射同平章事謚文靖
初熙載嘗使周及歸中主問周之將相熙載曰點檢
視非常殆難測也及太祖受禪人服其識世傳陶穀學
士鄙事觀此又與熙載不同時殆寓言也今日華官妓
亦誠有理雖有牧之豪韓之放設其心欲做大官亦且
竊散車廐馬之狀邀譽圖進階耳第余所見從仕者罕
清風宦况可高古人之選者間過一二人外皆厚積官
囊而歸位愈要而積愈不貲未聞重加誅討又何如也
縱考察之不過爲閒住爲罷職足矣彼其子得毋以榮

耀梓里達子孫不亦多哉夫不思妓止飭一人之身而
剥膏脂貽生靈百萬之大害

小庵一僧日夜念法華經客曰僧勤于斯何義予曰耶
以卽心客曰何謂也予曰須知剛後魚詩方信畫前有
易客俯思之有省

氣清則通氣濁則塞故清極則神濁極則形露是清氣
之液雨霧是濁氣之蒸

大周小周皆南唐二后也皆司徒周宗之女皆云哲婦
傾城共在斯矣大周小字娥年十九入宮采戲恭奕及
歌舞俱絕妙嘗爲壽中主前中主嘆賞以燒槽琵琶賜

之蓋中主所寶器也後主嗣位立爲后寵專房創爲高
髻纖裳及首翹鬢朶之粧人多效之嘗雪夜酣飲請起
舞后主曰汝能創爲新声則可后即命成賜譜喉無滯
音筆無停思俄頃譜成所謂邀醉舞破也又有恨米遲
破先是盛唐時霓裳羽衣最爲大曲亂離之後絕不復
傳后得殘譜以琵琶奏之於是開元天寶之遺音復傳
於世內史舍人徐鉉聞之于國工曹生鉉亦知音問曰
法曲終則緩此声乃反急何也曹生曰舊譜實緩宮中
有人易之未幾后卧疾已革猶不亂觀取燒槽琵琶及
平時約臂玉環爲後主別及沐浴粧澤自納舍玉遂卒

小周郎大周女弟或謂后寢疾小周已入宮后偶褰帳見之驚問曰汝何日來小周尚幼未知避嫌對曰凡數日后恚怒至死而不外向后卒小周繼立爲后被寵過之後主嘗於群花間作亭置以紅羅押以玳牙雕繪華飾而制極迫小僅容二人每與后酣飲其中及國亡後主北遷封后鄭國夫人例隨命婦入宮朝謁每入必垂內教日出對後主輒涕泣罵詈後主嘗宛轉避之太平興國三年後主暴卒后悲痛不自勝旬日亦卒夫以大周才飛動人主一爲色荒不知大敵之臨境矣傾城之誠豈虛語哉

莊子曰詩以道性情以此談詩可謂中聖矣如三百篇
何一字一句不由性情中發出離騷猶近之若兩漢魏
晉之作往往亦近古蓋體律長短諸法門爭爲競巧寧
廉不過聰明奇特之士相標尚耳恐於性情未盡也問
普取古詠如箜篌引云公無渡河公竟渡河渡河而死
當奈公何按崔豹古今註云朝鮮津卒霍里子高棧刺
紅于河見一白首狂夫被髮提壺亂流而渡遂墮死其
妻止之不及乃歌云子高歸語其妻嚴玉引箜篌寫
其聲聞者莫不墮淚因名之曰箜篌引此詞只數字冲
淡而情理至又梅聖俞作莫打鴨詞云莫打鴨打鴨

驚心驚驚驚新向池北落不比孤洲老禿鶴禿鶴尚欲
遠飛去何況鴛鴦羽翼長語亦古淡又馬援武溪深行
云滔滔武溪一何深鳥飛不渡獸不敢臨嗟哉武溪多
毒淫此援南征而作也令善伯門生表寄以簡寫之又
樂錄悲歌云悲歌可以當去声泣遠望可以當歸思念
故鄉叶平聲歸叶平聲思叶平聲歸家無人叶如延反欲渡河無船心思
不能言叶魚反腸中車輪轉叶去声劉履稱此詞格力絕類
建安但不知何人作若淵明諸作誦之令人飄然如遊
華胥之境大都諸詩只從晉魏兩漢上至三百篇似為
得之

老子欲長生久視故主於鍊息精神佛氏謂輪迴墮落
死能脫是則無生滅故主於存神以合虛二氏之學皆
與吾聖人原始反終之說相背朱子感興詩但恐逆天
理偷生豈其安陶淵明詩縱浪大化中應盡便須盡此
似是理會原始反終者然亦終有難盡會處

客談樂記云人生而盡天之靜也與中庸喜怒哀樂之
未發謂之中同乎予曰既說箇天之性似高一層這靜
字對不得動字看無動靜無感無內外是箇本體原
來如此靜耳故曰天之性若中庸未發畢竟對箇已發
看了故中庸又示人一箇恐怕戒慎程子所謂敬以涵

養之者此是未發時工夫從此到時方是人生而靜可以希聖可以合天

孔子言十室有忠信不如丘之好學此好學二字似不當輕易看過聖門亦不輕易許人故惟曰有顏回者好學不幸短命死矣今也則亡未聞好學者也人須識顏子之不遷怒不貳過亦足以發語之不情方是真好學處若子夏之詩書子貢之多識不可認作學問亦當不箇好學

以德報德一截事此是聖人教人厚處亦學者首務宋王陶微時苦貧寓京師教小學其友姜愚氣豪樂施一

日大雪念陶奉母寒僂倚一鋪刻雪行二里訪之母子
寒坐日高無炊烟思亟出解衣錦裘貿錢買酒肉薪炭
與附火飲食又捐錢數百千為之娶陶既貴尹洛思老
而喪明自衛州新鄉往謁之意陶必念舊哀已陶對之
邈然但出尊酒而已愚夫失望歸而病死聞者益薄陶
之為人夫一飯必報顯而立祠果過情哉若陶之所為
世之樂義者急矣

談富貴不如談清閑

清閑中自有
一種富貴

談富貴能令人俗談

名利不如談漁樵

漁樵中自有
一種名利

談名利能令人憂

蟻人所惡也宋郊渡之而身顯蛇人所毒也隋侯藥之

而得珠被其不同於衆人之公而成其私以受福世謂
王賀陰德爲綬不良以貽善人害而天顧疵之爲失愆
應之常蓋事有偶然而學者論其理耳

立春後八日有客問于予曰昨夜聞雷聲乎答曰予久
聞之矣先王以至日閉閤那日只爲雷動了所謂聽於
無聲只此理也

天地無心聖人無情君子約情衆人溺於情孟子曰是
亦不可已乎此之失其本心嘆人溺於情以喪心也
商君曰貌言華也至言實也苦言藥也甘言疾也竊觀
人情愛華而忘實護疾而去藥戒之哉

朱子曰陽氣發動金石亦透精神一到何事不成至哉
言乎任事畏避不克擔當只緣少精神耳利害死生得
以嬰之

國朝萬安人

四川

成化間任內閣弄權一進士

徽州人

欲干

竈聞安房事交後因以藥進為其洗為後引入堂中
人號洗為御史嘗閱仇池墨記李憲用事士夫皆奴事
之彭孫氣凌公卿然嘗為憲洗足曰太尉足何香也憲
以足踏其頭曰奴諂不太甚乎古今佞人無耻事相類
如此而憲之一言尤足貽奸佞之辱

國初靖難時周是修約胡廣赴義而廣棄約嘗閱史南

唐時張洎爲學士宋師圍金陵洎與徐鉉同約降宋已而城陷喬叟洎同死竟背之喬嘆惋自縊洎降宋太祖責之曰汝教李煜不降使至今日因出洎所草召援兵蠟書示之謝曰書實臣所爲大忤非其主此其一耳他尚多今得死臣之分也太祖奇之以爲太子中允吁不死於被圍之時而欲死于既降蓋奸人出奇術以脫罪口明主不當墮其意可也洎嘗與潘佑善並官西府既而情好頓衰佑每嘆曰堂堂乎張也難與並爲仁矣後佑抵罪死洎有力焉洎在宋朝作十詩詆訾汴京風物至有一堆灰之句蘇易簡嘗得其親書久之洎與易簡

爭寵不相能。易簡語同列曰。清河更作異。郎以一堆灰之句進呈矣。洎聞爲之少屈。又洎初爲寇準所薦。奉準甚謹。已而知上嫉準。遂與謗奏。準坐免。洎之險。至是。今聞仕途號風波。要之古今皆然。

古今才人用得着處。便顯若欲用得着。亦須其遇與時耳。昔楚文王好獵。人有獻鷹者。文王放于雲臺。鷹瞪目雲際。無搏噬之志。王謂獻者曰。汝將欺余耶。荅曰。君效于雉兔。臣豈敢獻。俄而雲際有物。凝翔鮮白。不辨其形。鷹便聳翮而升。須臾毛墮若雪。血下如雨。有大鳥墮地。度其兩翅。數十里。衆莫能識。有博物君子曰。此大鵬鵠。

也乃厚賞之昔孔子謂割雞焉用牛刀故鷹之技必展
于大鵬也昔阮籍負濟世志屬魏晉之際天下多故名
士少有全者籍由是不與世事遂酣飲爲常文帝初欲
爲武帝求婚于籍籍醉六十日不得言而止鍾會數以
時事問之欲因其可否而致之罪皆以酣醉獲免可不
謂智歟籍意獨駕不由徑路車跡所窮輒慟哭而反
嘗登廣武觀楚漢戰處歎曰時無英雄使豎子成名登
武牢山望京邑而歎於是賦豪傑詩智者如是乎惠子
剖大瓠以爲瓢將謂其無用而掊之一旦慮以爲大樽
以浮乎江湖而無憂宋人有善爲不龜手之藥一朝以

百金鬻于客客得以說吳王遂裂地封侯茲二者遇也
朱泚漫學屠龍于支離益單千金之家三年技成而無
所用其巧非技之過也用不着也用不着而強以施于
時則敗故唐之盧駱王楊稱四傑矣竟身慘家夷而貽
千古之辱莊生曰澤雉十步一啄百步一飲不斲畜乎
樊中若阮籍輩果審時知幾則青白眼大人先生傳亦
可無作

7日讀我○朝國雅錄見蔣主政題王朝雲墓詩因檢
閱孔白六帖云王昭君生于峽州有昭君村綠珠生于
白州有綠珠江嗟呼一女子耳天壤垂名况生爲男子

者而非與草木朽乎

蘇東坡云賦詩必此詩定非知詩人。及觀鳳齋錄張搏
為蘇州刺史愛植木蘭花。花盛時必召賓賓會必命郎
唐。唐詩時陸龜象後至張連酌酒之佳醉強索筆題兩
句云洞庭波浪渺無津。日月征帆送遠人。頽然醉倒衆
莫諭其旨。旣而稍醒續云幾度木蘭船上望。不知元是
此花身。遂為絕唱。觀此則東坡之意可推。

柳惔對君

惔渾之子也。年十二。梁高祖召問讀何書。對曰尚書。又曰有何美句。對曰德惟善政。政在

養民。衆咸異之。今此二句。綏大儒對君不能易也。

自禮樂旣興。代有變制。故記事者必原其所自。如云朝

服以縞自季康子始玄冠紫綬自魯桓公始廟有二主
自魯桓公始諸如此類是也命爲制令爲詔天子自稱
曰朕自秦始皇始喪以日易月自漢文帝始天子年號
自漢武帝建元元年始孟子曰始作俑者其無後乎傷
作始者之不善故不可不慎也

晉裴頠崇有論曰蛭以空中而生是何謂也先儒謂自
地以上皆天是知氣之氤氲人之耳目不及而於不見
不聞之中自能化生如此元結有浪翁觀化說四篇其
說曰吾觀化於無也何無不有吾觀化于有也何有不
無有無更化日以相化化言何極化言何窮是在學者

默而識之不言而信耳

齊版賣金晉之隗炤也炤善易臨終書版授其妻曰吾
亡後當大荒窮雖爾慎莫賣宅也却後五年春當有詔
來頒此亭姓冀此人負吾金耶以此版往責之炤亡果
值歲凶其妻欲賣宅憶夫言輒止至期果有冀使者止
亭中妻遂齊版往責之使者執版惘然不知所以妻曰
夫臨亡手書版見命如此使者沉吟良久而悟謂曰賢
夫何善曰夫善易而未曾爲人卜也使者的噫可知矣
乃取蓍筮之卦成撫掌而歎曰妙哉隗生因告之曰吾
不相負金也賢夫自有金耳知亡後當暫窮故藏金以

待太平所以不告兒婦者恐金盡而困與已也知吾善

易故書版以寄意耳金有五百斤盛以青瓮覆以銅梓

音盤

義同埋在堂屋東頭去壁一尺入地九尺妻還掘之果

如卜又晉卜珝字子玉少好讀易郭璞見而歎曰吾所

弗如也奈何不免兵厄珝曰然吾大厄在四十一位爲

卿相當受禍耳不爾小爲猛獸所害吾亦未見子之令

終也璞曰吾禍在江南甚營之未見免兆珝曰子免爲

公吏可以免諸璞曰吾不能免公吏猶子之不能免卿

相也劉元海徵爲光祿大夫謂使者曰非吾死所也劉

聰徵爲太常卿始就時劉琨聞并州聰問何時可平珝

君曰：「昔者陛下之令，今茲克之，必矣。」聰戲曰：「欲勞先生一行，可乎？」翊曰：「臣所以來不及裝者，正爲是行也。」聰大悅，署翊平北將軍，將行，謂其妹曰：「此行也，死自吾分，後慎勿紛紜，竟爲元帥所殺。」然璞亦死于王敦之手。夫稱孔子先天地而後知天地之終，則聖人之先知固亦妙矣。郭卜二公預知其死所，而必欲江南之行，必欲劉聰之辟，何哉？若見幾而作，如古赤松子遊將易姓，匿名而往，或可有待盡之年乎？抑亦不可逃者數也。吾人當自勉者，固必有在耳。

嘉靖中，羅念菴不仕，以講學聞。予初聞其名，不知其何

學一日余於僧舍見一本子云嘉靖丁未九月圓明洞
楚石上人示寂明年戊申春社其徒圓寧來報是冬十
一月復爲崎嶇道林兩君子致書并携烟霞茶二斤以
贈意則告行臨岐出廣舟山趙君所遺詩意若有望于
余者余與楚石爲方外友且有無窮之期而遽見遺見
其徒如見其人也故於其行次舟山訖而爲別○曾倚
高峯望海涯天門靈曜散輕霞不知錫杖今何處空望
星河問去槎○一別衡山歲月賒思如遊了憶還家高
臺別處應迷雪龕下殘燈對法華○歲寒不厭去途賒
幾宿長沙野客烟霧堆華勿撥採那從醒裏憶袈裟

秋頭五岳是生涯足感應塵氛蓋霞好去松門勤拂掃
湘川有待泛秋槎○報遠儂人旌過海涯書來石室動青
霞青原山色還如舊爲泛新春遠客槎○右五首吊楚
石於塔前作梵音長哦道此寸心然自今歲與釋家別
作徑路當不訝其餘途轍也是月晦日石蓮洞主人念
菴道人書余因誦所述可以知所學矣念菴諱洪先江
西吉水人嘉靖己丑狀元

客相與談人身上有天地如四肢百骸能視聽言動者
地也所以能視聽能言動者天也天主虛靈地主形孔
子曰精氣爲物屬地遊魂爲變屬天精之與氣周子所

謂妙合而凝也故爲物禮謂人死則魂升于天魄歸于地魂是神之靈魄是精之靈人日用應酬處只是魂魄耳神主于中不動也精有時乎壯氣有時乎散神則無耗無散視之不見聽之不聞體物而不可遺神只是箇不測處那裏自有箇實物在易繫辭曰陰陽不測之謂神纔說陰陽便是形而下了

客相談我與靈處只一箇所以呼之即應感之即通人理會到此亦是見得那一源處真切若有二何以曰誠貫金石信及豚魚

勃鞞寺人也晉文公以之守原然薦之者趙衰也趙衰

果賢而以寺人進于君亦失其正矣。柳子厚守原議獨

少文公余

於亦

○漫子偶病客問之對曰我心無病因

心生病我身無病病從身生客曰因心生病非心也病

從身生非身也應而不應動而不動將循于自然以歸

于真病于何有

劉禹錫謨曹溪碑云惟如來滅後中五百歲而摩騰竺

法蘭以經來華人始聞其言猶夫重昏之見習爽

所謂經者

果今云四十二章後五百歲而達磨以法來華人始傳

其心猶夫昧旦之覩白日

所謂法者豈非達磨之

不立文字直指人心歟又曰

自達磨六傳至太鑒

即曹溪惠能

如貫意珠有先後而無同

異世言真宗者所謂頓門

定心頓悟之孝自曹溪始盛傳南土

初達麼與

佛衣俱來得道傳付以爲真印至太鑒置而不傳豈以

是爲筌蹄耶勢狗耶將人之莫已若而不若置之耶昔

不得而知也至觀其作佛衣鉢乃云俗不知佛得衣爲

貴壞色之衣道不在茲由之信道所以爲寶六祖未彰

其出也

微既還狼荒憬俗蚩蚩不有信器衆生曷歸是

開便門非止傳衣初心有終傳豈無已物必有盡衣胡

久恃先終知終用乃不窮我道無阿衣于何有益所以

辨六祖置衣不傳之旨益以證心印矣

譚景升觀化一書可以盡天地之化乎而未也執于迹

而模範之者也元浪翁觀化四說可以知天地之化乎而未也觀于變而名言之者也

儲心齋三大學士梁儲第三子也儲在正德末入內閣承上寵其心三橫暴于鄉鄉人訟于父時給事中御史文章奏之儲召其子至京校育而整夫儲一時稱厚德交接人無少逆至其子之不肯不克當父心豈其天性之愛有不能忍于朝廷威福之下者耶

有客即席而歌沈休文和謝宣城之詩曰王喬飛鳬鳥東方金馬門從官非官侶避世不避喧余聽之而申其說曰旨哉云避世不避喧也有王喬飛鳬之應矣胡爲

乎今葉有東方朔竊桃之異矣胡爲乎金馬門有沈子
飯蔬飲水之樂矣胡爲乎環轍夫絕俗之介捐已之操
詭淪不可繼之事皆有道者所不述也孔子曰吾非斯
人之徒而誰歟孟子曰仲尼不爲己甚故仲子之蕪不
矜于七篇之義箕山之高不顯于六經之章嗚呼若漢
之張文成晉之陶靖節宋之邵堯夫得之矣余於漁對
樵對蓋志乎是而竊取之云右以隱獵成佛依俗了事
則非所敢知也

早於待嬀無如唐之帝堯而萬世之下不疑其私重于
子孫謀無如秦之始皇而萬世之下不稱其慈二事細

思思聖人處却不然

水忌於太清太清者難於為魚人忌於太潔太潔者難於為名

聖人養智而世人則矜智聖人藏巧而世人則術巧智巧太盡則福慶自薄

禮記曰執紼不笑臨樂不歎言其精定不移也語曰家有弊帚

享之千金即所謂達東家也

奏議宜雅書論宜理銘詩尚實詩賦歌麗魏文帝論文

文以氣為主魏文帝

末大必折尾大難掉

一日避暑鎮祁樓適夏至有客云夏至一陰生返卦也
易返復非道歟余曰返復二卦以陰陽之氣言也夫道
至微而至大至無而至有無未盡去無始無終堯夫以
之弄丸周子太極圖上面一大圈是也下二圈識爲理裨
宗認爲神老子名之曰道然亦就轉而言說之孰得而
名狀之可言說可名狀者道不在是也朱子謂氣之升
降只有六層蓋謂純奇爲乾純耦爲坤此特定體言耳
陰陽却純然分不得故只以返復二卦爲升降爲始終
上到六層便轉下來故謂之復返之一耦爲陰爲坤爲
母之孕復之一奇爲陽爲乾爲父之生不孕則不能生

傳者曰天地以生物爲心故造復以氣言耳而道不在是客曰道何指余曰汝不聞程子云人生而靜以上不客說若說便不是性竊亦謂近復以上不可名若可名便不是道

漢公孫弘布被詐貧汲黯切責之宋王安石未貴時名震京師性不好華腴自奉至儉或衣垢不浣面垢不洗世多稱其賢蜀人蘇洵獨曰是不近人情鮮不爲大姦心作辯奸論以刺之然論者又有稱公孫弘矯當時公卿之奢然未至若安石之壞宋也竊謂不近人情四字最有味蓋情發乎自然人人所同但以禮節之耳不必

矯也近世京中華酒筵之會萬曆初時柄國者裁為禁又華仕者

往來夫馬又不許着華服服色又文移重禁鎖遺跡其

所行人情顧着是乎然權貴所過夫馬猶是也高價織

造綸段衣具送上官送座主猶是也昏夜之金猶是也

所轄置貪墨不問而陰受其遺猶是也有巡撫巡按經

歷地方所在告以里甲科擾苦楚及罪告者猶是也有

管糧乾沒軍資至萬訴之撫臣而反坐軍人猶是也有

巡撫所至或告以忠臣孝子則不答或告以義夫節婦

則不答或告以古之名賢祠廢圯則不答至鄉官之要

者即為厚贈即為立廟猶是也且當軸者效于衣垢面

垢以文飾而不知其奸心數數可察蓋若此矣抑謂奸論爲狂文哉孟子車數十乘從數百人以傳食而不庶仲子蓋自其人情然耳

莊子曰厲之人夜半生其子遽取火而視之汲汲然惟恐其似已註厲惡人也至生其子而恐其類已是其不爲惡之本心寄漫子曰只此便見夜氣擴而克之爲

晉元康中梁國有女子許人已受聘其夫尋戍長安經年不歸其父母更以適人女不樂父姑適之不得已而去尋得病而亡後其夫還問其女所在家人具告之其

夫徑至墓所不勝哀情及發塚開棺女已活因與俱歸
後婿聞之來爭訟于官不能決秘書王導議曰此是非
常事不得以常理斷之宜還前夫朝廷從其議寄漫子
曰事固非常然乃所以常理也受聘而夫成長安已稱
結髮之初其女被強逼而死自未滅從一之心一旦感
夫哀而活謂非常理乎宜還前夫何以曰不得以常理
斷之

烏號之弓不能無弦而射堯舜之聖不能無禹皋而治
宋蒲宗孟晚志于道嘗以書抵蘇軾云晚年學道有所
得軾荅之曰聞所得甚高然有二事相勸一曰慈二曰

儉也蓋毀其矢云嘗觀宗孟嘗後汰每旦割羊十豕十
燃燭三百枝郡舍或請損之慍曰君欲使我坐暗室忍
饑耶嘗日盥滌有小洗而大洗面小濯足大濯足大小
澡浴之別每用婢千數人一浴至湯五斛他奉養率是
即宗孟事木可望于道據說有得亦只是遮塔說輪耳
今世最多此事故述之

佛氏之所謂心以真常具足言而非吾儒之所謂心統
性與情也佛氏之所謂性以圓融寂照言而非吾儒之
所謂性無理與氣也

道理最難盡自古稱許由不受堯之天下至德矣邵堯

夫題汚亭詩云許由爲計未爲深洗耳如何不動心到此灑然如世外何嘗更有事來侵讀其詩似襟次出許由一竿使堯夫常堯時恐亦只幹得許由事嚴子陵之風高矣後有過子陵廟者題云一着羊裘便有心虛名瀛得到于今當時若着蓑衣去江水茫茫何處尋若此詩令子陵千仞峯頭下了一層然以斯人遇光武能爲子陵亦可也大都道理難盡子思曰天地之大也人有所憾而況于人乎所以爲者云言天下之事易行天下之事難又云放言易力行難故自脩者慎之

博奕許慎說文曰博局戲也六等十二禁也想今之雙

六是也楊雄方言凶園基自關而東齊魯之間謂之夾
即今京城中相尚園基是也按桓譚新論曰俗有園基
或言是兵法之類也及爲之土者張置疏遠得迫而爲
勝中者務相絕遮要以爭便勝者守邊隅趙作錄音直
劫博局白生于小地者也昔更始將相不能防衛而令
竄中死基皆生是其證也今日京城仕者以園基相競
致有園基金華酒之譏有談國是輒笑而狂之嘗觀三
國時蔡邕爲東宮官性好博奕太子和以爲無益命同
官常曜論之曜之論有曰假令世上後博奕之力用之
于詩書是有顏閔之志也用之于算計是有良平之恩

也。用之于資貨是有積頓之富也。用之于射利是有利
帥之俗也。耶雅之規蔡可以箴今之仕者矣。客曰：「孔云
爲之猶賢乎已。何如？」寄漫子曰：「聖人惡夫死其心而不
用者。」

客問余曰：「言之詳者道之濶。何謂乎？」然則言非所以明
道乎？余徙倚而嘆曰：「悲夫！余將偕汝聽於無絃之琴而
效于擊壤爾乎？將啜于木釀之粒而醉于玄酒爾乎？悲
夫！道失其真久矣。辟之以易必考氏。仰觀俯察冥會元
化託之于畫以識之。然有畫無字。明此理而未立其文。
分爲奇偶合爲八段。且不知夫乾坤坎離震兌離巽之

名卦也文王演之周孔繼之以爻以象以繫辭君
子曰易道倫矣柰何聰明巧智之士代出其人又得易
以資其玄測由是有陰陽家說有星算家說有數學家
說有玄經擬家說有修煉丹家說種種不啻數家而說
尤神妙皆自以爲得易之精蘊是生吉凶休咎之應是
生脩短夭壽之故是生神仙丹竈之術世人碌碌驚而
稱之亦曰信得易乎辟之以詩三代王化大行民樂其
生效古九歌溢于野諠因心爲辭得句成韻觀風者采
焉上計者貢焉宗廟朝廷而爲樂章者取焉以類而通
之爲賦爲比爲興君子曰詩道著矣柰何好奇競巧之

徒世有其選自夫離騷之作猶近大雅襲而為兩漢之
古作又流而為晉之詩選又播而為先唐之盛為晚唐
之變曰正律曰變律曰正體曰變體曰長短句刻意驚
人標立體製艷麗有餘雅趣不足夫仲尼所定三百將
以道性情也而詩顧若是不已漓乎昔有人言曰畫前
有易刪後無詩其所思遠矣客曰今將若之何有一人
下席而請曰竊聞之泰人焚書而書存漢儒窮經而經
絕果何謂歟夫曰書存者蓋謂以其能焚後世之書而
不能焚畫前之易之類是也經絕者蓋謂以其窮討之
傷于太繁而空然後以為刪後之詩之類是也過激之言

亦子與子不如無書之遺意也。客遂與余稱觴而坐對心而談宜乎若有得抑亦藏焉修焉息焉遊焉而已。孔子曰予欲無言哉其教賜乎。

客談程明道之言息止也生也止則便生不止則不生是何義歟。荅曰止而生艮坤之義也艮從乾來而止於坤之純陰是母之孕也。萬物各受乾之精而孕於坤以爲胎十月之卦十一月之復也此其所以止而生也以息字爲義深矣哉人鼻之出入處亦謂之息人必如是息而後生不息則人必死觀于此而義益明○意必固我四字學者須服膺之以至于熟真見得于自家身上換

然廓然了乎宇宙內物無一而不侷于我宇宙內事無一而非我之所當爲便見得箇無我的意思蓋無我最難能雖聖人亦未易能之其太虛乎太虛分陰分陽使涉一偏了如春生夏長陽曰我之事而陰非其分也秋收冬藏陰曰我之事而陽非其分也蓋理一處能領會得箇無我到分殊處難免一我字曾夫子作春秋書曰齊人歸我汶陽田是見得汶陽田爲我之田也詩書稱我周王是見得天下爲我周之天下也客曰如何說聖人無我荅曰聖人順事無情無情則無私無私則無意無意則無我故曰聖人心同太虛學者只從念頭上加

功漸漸進步方似有得于聖人無我意思、

人淡得幾分仕進心便是上古之人輕得幾分利便是

有德之人○春秋之義嗣統者踰年稱君故後世踰年改

元禮也章武三年春劉先主薨禪讓位即改是年爲建興元年致史書不滿于武侯當國何哉先儒稱孔明不死禮樂可與此亦嗣君禮之大者

客一日讀周子拙賦而悲周子之心也豈謂上世無巧人哉上世士農工商各有其常業而已後世士巧則蠹正農巧則傷稼工巧則敗度商巧則奸利自後世之傷于巧也而大亂興矣世稱不鼓不成列不禽二毛而卒

以敗死者拙也抑非矣所遇者巧而詐耳故謂二帝三王之治不可施于五霸湯武仁義之師不可行于漢秦非其道不可用也五霸之假秦漢之威抑其時乎周子曰天下拙刑政徹上順下安風清弊絕其深有感矣杜少陵詩用拙存吾道羅大經釋之曰拙之所存道之所存也余因爲之說曰自我用拙不若用天下之人皆天其拙自我惡巧不若願天下之人皆藏其巧漢漢之心殆若是

堯治協和矣而猶有不親不遜者以憂于舜舜德洽民矣而猶有罪人者以泣于禹孔子曰堯舜其猶病諸是

不生則又何孕故易曰生生之謂易皆聖人之心不自至也

桓公八年冬書祭公來遂逆王后于紀九年春紀季姜歸于京師王后云者自朝廷言之也有至尊之義焉季姜云者自紀言之也有父母之義焉

客言柳下惠夜遇寒女衣而抱之達旦那時心安在何處不動者曰聖人之心時時對越上帝自不見那嫌○先天卦內盡天地之始終有開闢復混沌混沌又開闢之義後天卦位盡造化之始終有貞下起元始而復終之義故先天道理最大

客有談性字義而曰自太極兩儀而生者謂之性所以

物各有性而皆出於太極者曰是也與張子性者萬物

之一源且有契焉妙生字旁極後兩邊同点為兩儀

山寺呼僧因聞有聲不

出世原非我 離家豈有人 聲傳空谷外 何處更

尋真

道家三尸謂之三彭能庚申日乘人瞞訴人惡于上帝

竊以為謬蓋士人持心翼翼對越乃其常也何畏其訴

道士程紫霄詩云不守庚申亦不疑此心嘗與道相依

玉皇已自知行止任爾三尸說是非似於神子厚為尸

傳述一羊耳四山三古字食音器語
鬼神且圖之風素行又侯三彭而後知乎

晉戴逵字道安多巧藝總角時以雞卵汁溲白瓦屑作

玄碑或口後世用○魯哀公與齊戰樊僮汪錡姓乘車

死而殯之時人疑童子當殤孔子曰能干戈以衛社稷

可無殤也八歲至十歲為殤○妹喜冠男子之冠何晏服婦人

之服皆反性賜之○禮斂不滅性性謂生也吳俗刻薄相尚

居三年喪者往往有致斂以死諸葛忠之著正交論以

救時蓋先王之喪禮後世以矯情而失之○宋何承天

酷嗜奕棊頗廢事太祖賜以勾子承天表謝太祖答曰

局子之賜何必非張武之金耶承天又喜彈箏上又賜

以銀裝筆一曲竊謂承天失之矣既為臣受職義不可
解○耿延禧云袁悅之還都止齊戰國策而曰天下要
惟此書李權從秦必借戰國策必曰戰國縱橫用之何
為蓋學者好惡之不侔如此竊謂世儒讀書窮理不外
六經秦宓是也益智濟權則戰國策亦不能廢則袁悅
未盡失之 ○許子將拔樊仲昭於賈豎郭林宗識龐
德公於畝畝陸機起賀彥先於縣令彥先鑒楊公回於
卑陋皆欽其所長不私其接納也

張子曰天之為德虛而善應其應非思慮聰明可求故
謂之神老氏况諸谷 此竊謂除去一善字又去其字

至求字九箇只云天之為德虛而應故謂之神老子說
諸谷以此程子曰天地以虛為德至善者虛也虛者天
地之祖天地從虛中來○

張子謂蔣形開而志交請外也夢形閉而氣專乎內也
夫呼吸無寤寐也氣也形閉形開者莊生之說也其開
也執乘之其閉也執尸之其諸兩在而不測者神乎志
氣之說未盡所以開所以閉之妙○程子曰離陰陽則
無道朱子曰太極自是箇理二言論理氣至矣竊謂既
自是箇理則亦自是箇氣陳北溪謂只是就氣上指出
箇理不離乎氣而為言殆盡之也客曰太極離不得理

氣而言故周子謂太極動太極靜亦本此一氣動靜互
為陰陽生生不息也程子又云其造化者自是生氣其
既散之氣豈有復在天地造化又無用此既散之氣朱
子亦云一去便休耳豈有散而復聚之氣客曰就如今
日山川之煙雲既散明日之山川又生煙雲也恐煙雲
有聚散而煙雲之氣無聚散然則今日所散煙雲之氣
安知明日不聚而生煙雲乎余曰有是哉蓋氣聚則形
立人因形立而知氣之聚氣散則形斂人因形斂而知
氣之散聚散二字因物生死而為名氣則視不見聽不
聞體物而不可遺有是能聚而為物之生能散而為物

之死氣常是此氣客曰二先生又何謂也想當時申明
正學只要剪除輪迴之說若究其理則孔子曰遊魂為
變既散且滅矣又何所着遊何所着變似此可許○張
子曰虛空即氣又云若謂虛能生氣則虛無窮而氣有
限何也謂虛空即氣則虛之所極氣必塞焉豈別有箇
無窮之虛而以有限之氣行乎其中者耶謂氣由虛生
則不可謂氣為有限似未穩且張子又曰太虛不能無
氣不能無三字終是脫不得生的意思惟虛空即氣一
即字當與中庸至誠如神一如字理會更佳○堯數當
水不廢命禹湯數當旱不廢桑林聖人之心惟專諸其

所當然不委諸其所適然也故孟子曰天下之生久矣
一治一亂這便是數又曰我欲正人心息邪說以承三
聖者這便是理參曰邵伯溫謂天地之數窮於八何也
曰八自是天地自然之數自伏羲畫出八卦便盡了天
地化生無窮之數今觀帝出乎震至成序艮一艮字便
是窮字了艮有始終之義窮有變通之義而天地之心
即於是見聖門不言數學惟子貢億則屢中子張願知
十世能與他學教自能精進而夫子直告以可知之理
且曰賜不望言而中然則聖人何心哉故曰不逆詐不
億不信仰亦先覺者是賢乎先覺者聖人之心聖人之

易也秦漢以後始有京房翼奉郭璞之流由易而得數
凡幾家堯夫之學終是窮理盡性以至命觀他探透天
地人之至妙不在於一動一靜又不在於一動一靜之
間乃直窮至一動一靜之間者而得乎非動非靜而主
乎動靜者以藏諸心也故伊川曰數學至康節方及理
窮謂理生數數是理之用○火浣布聞之矣而所產不
同山海經注曰火山國雖經霖雨而火常燃火中有白
鼠其毛可作火浣布玄中記曰南方有炎火山四月生
火十二月火滅火滅之後草木皆生枝條至火燃草木
葉落如中國寒時也其木取為薪燃之不燼以其皮清

之為火浣布此又與毛製者不同○管子曰玉起於禺
氏山金起於汝漢珠起於赤野此實相去各七千里上
有丹砂下有黃金上有慈石下有銅金精氣若此○邵
堯夫當熙寧行新法吏牽迫不可為或收劾去雍門生
故友居州縣者皆貽書訪雍雍曰此賢者所當盡力之
時新法固嚴能寬一分則民受一分賜矣投劾何益耶
不請任事○史彌遠以奸邪居相當時謀廢濟王
而立理宗理宗德之寵益固屢論之不去既死上猶念
之為製碑銘題曰公忠翊運定策元勳竊謂霍光之擁
立無論矣伊周所佐立者何次古未聞碑銘然則虛偽

何榮於後世後世榮在伊周無碑也近時若江陵事盡
瓦解○客談曾子養志答曰曾子之養志豈在此酒肉
養之時乎抑豈在於酒肉之請乎曾點歎童冠偕遊浴
沂風舞此其志天地萬物一體者曾子素知之及其養
將諭其意而為之耳禮謂子之於親在先意承志志在
意之先意在志之後必先於意而承之乃盡父志後世
若邵伯溫能解父書范純仁能散父麥皆繼志述事者
世不忠無堯夫仲淹之父其忠無伯溫純仁哉因談曾
子而思二丈真古之是父是子云○葉子奇曰觀物者
所以玩心於其物之意也是故於草木觀生於魚觀自

得於雲觀閑於山觀靜於水觀不息數句極有味但難與有道者言之若周子自家意思一般又不若是觀物

○李石博物志云魚子合猪肝食之殺人又云白髮蟻蟻去消白蠟點孔中即生黑○世稱書劍何也古者飲則以劍舞故隨以待用如秦王賜姚賈舞以其劍之類是也○晉郝湛嘗忽見一人自稱甄舒仲餘無所言如此非一久之乃悟曰吾宅西有積土敗瓦其中必有死人甄舒仲者予舍西土瓦中人也檢之果然厚加歛葬矣又夢此人來謝蓋神理不滅也客因閱堯夫漁樵問對謂人死而有知蓋以人稟天地萬物之秀氣以主精

神魂魄之靈具於耳目口鼻生則氣行死則形返謂其無形而無知者吾不信也客曰鬼之知知生前事不答曰非也彼自能靈謂之知○今人只去辯人的問學却不自家尋箇問學客曰既不尋如何可辯得人答曰人心本靈自有箇知覺只任他知覺據先賢本子上說話家糊任氣說將是非去客曰孟子好辯至宋鵲湖同異辯却是自家人作梗今人只據舊話紛紛耳若向他追討又不知彼禪之所以為禪吾聖之所以為聖只憐惺寐語余曰然○客談前輩作勸世文而未見能勸一人何也答曰儒言世變江河益若此乎不可挽者故孔子

生春秋非不勸世也。雖舉周公之禮樂以勸而人心卒
習于兵。孟子生戰國非不勸世也。雖述先王之仁義以
勸而人心卒喜于伯客。曰：虛文之無補于世也。若此。答
曰：君子與人為善之心也。世雖不勸而君子與善之心
不敢以是少懈。故孔之六經、孟之七篇猶賴是以維持。
伯降之世。○博物志謂馬多食穀則足重不能行。○積
土至萬石則自然生火。積金至萬兩則怪影自現。蓋精
氣之靈如此。故君子重積。○宋韓忠武王以元樞就第。
絕口不言兵。自號清涼居士。時乘小騾放浪西湖泉石
間。一日至香林園。值蘇仲虎尚書宴。忠武徑造之。盡醉。

而歸明日手書一詞名鑑以遺之詞云冬日青山滿澗
靜春東山櫻花濃少年衰老與花同世間名利客富貴
與貧窮榮華不是長生藥清閒不是死門風勸君識取
主人翁單方只一味及在不言中蓋忠武雄心中胃而
收悟如脫梘老死塵垢者不伴萬萬也客曰汝聞龍舒
子云乎蓋云佛言受即是空謂受若受樂及一切受用
也如食列數味放箸即空出多驕從既到即空終日遊
觀既歸即空又如為善事即畢其勤勞即空而善業具
在為惡事即畢其快意即空而惡業具在若忠武者豈
非達此耶客曰儒者甚斥佛談空竊謂世人不可不造

識此空而遂得所以不空如也武以一經而垂芳百世
何空也孔子曰回也其庶乎屢空一時諸賢皆未有及
回者乃由之治兵求之足民赤之懷柔終不執著有以
為事業也而夫子所與者則浴風諒歸之點蓋點之志
能識此空而遂得所以不空也使顏子去幹富有事業
自有舜禹有天下而不與的氣象○莊定山某賦曾郎
婦詩曰二十夫君棄妾身諸郎廢小男姑貧自傷薄命
同衰草不掃蛾眉嫁別人化石東城猶有淚舞衣雖在
不驚塵鎖方獨對東風樹歲歲花開他自春羅一峯謂
此詩苦言苦語可泣鬼神愚謂士勵行尤切思婦心乃

尔其怙受也物也恒也故君子見之

語夢江翁曰未發之中是喜怒哀樂的天則當喜怒哀樂之時渾是未發之前氣象便是情順萬事而無情也順應之情便無所向便不屬親聞便無先後便無過不及譬之太虛雷霆風雨日月寒暑日萬變而無迹虛故也非虛不足以語未發之中故戒慎不覩恐懼不聞致虛極也客曰如何荅曰致虛極三字是老子語這老子之孝不肯認事皆宋儒錯李二先生好靜坐而觀未發以前氣象久之自有得便說得好蓋涵養未發之中只是完本休本休寂然而森然只一味歸寂即與佛氏吾法

念無念者指此為無情尤夫程子之意蓋無情者非無也感而無感應而不應寂然以不動感而遂通天下之故○薛文清曰欲淡則心清心清則理見多時一欲字淡字正聖人無欲者聖人之本至哉費人寡欲者賢人之本常人多欲常人不能至哉淡也此化本然之安
○氣強理弱朱子言之雖整卷曾致疑薛文清亦曰氣強理弱故昏明善惡皆隨氣之所為而理有不得制焉至或理有時而發見隨復為氣所掩終不能常久開通論曰理只是一理氣則浩然充塞理猶君也氣猶萬萬人民也人只為不得其所主故弱孟子曰持其志持字是作主之義無暴其氣無暴其字是不縱之以至於

強弱乃是常人病痛

薛文清曰今早讀書得一性字以八曰為學第一在變化

氣質不然只是講說耳文清字晦門只此語○又曰學要

識總會處即性是也天下萬理一性字包括之深矣哉

此文清一○又曰人為學至要莫過於妄念起處即遏絕

之予每嘗用力於此故書以自勵妄念起處格致以致知

然所謂子四勿亦此耳但陽○又曰上蔡有一硯極愛之

遂屏去此可為克己之法屏去愛現正可作遏妄○又

口聖人應物雖以此理應之其實理只在彼物上非物

皆倚於我應物只此一理若謂理只在彼物則性豈有內外乎

聶雙江曰學始於執中二字

中字謂未發指在裏執字為執守謂欲求精神向

裏中庸曰喜怒哀樂之未發謂之中

指未發認作無念

蓋恐天

下後世錯認本旨著在事為上而反於義襲開蹊徑也

陽明先生曰良知是未發之中寂然太公的

本体慾明白而乃以知竟為良知豈但公案幾重哉蓋已操戈入

室矣竊謂雙江失之矣蓋指未發之中寂然太公的本

体者為良知是矣更不思陽明之言曰大學之道誠意

而已念之所動處為意

意所指處為物心之靈竟為知

陽明何嘗不以知竟為良知乎蓋未發之太公者良知

之本体也誠意以格物而致知者尤在竟處致之以復

其未發之太公也雙江亦發之旨同于薛西原陽明之
講不若此戴經江致書雙江云陽明先生啓良知之
學今日亦莫辨致良知之傳却於已發之際一有偶合
於義者便謂之良知不思未發之前所以致之之源遂
認以知覺為良知而戒慎之功荒矣尊師喻學者惓惓
精一執中之旨使其養之於未發以立其本竊謂經之
師承是繫於約精神他以一味不動念者強認作未發
以靜極靈光現者強認作良知陽明曰良知是天理竊
謂致良知便自有箇發用處此截問學世疑陽明於禪
薛西原王龍溪聶雙江輩又禪於禪者雙江曰與念希

子淬勵二十年而後合念菴亦非苟同於人者嘗觀羅
念菴謂人曰知見當不得實工夫若下實工夫則煞會
長知見龍溪提掇甚切只是有些慈嶺帶來的意味念
菴之說如此恐石蓮洞亦慈嶺別一洞天

近見書肆中時文本子謂何仲默云漢之文人工於文
而昧於道故其言雜而不可據疏而不可訓宋之大儒
知乎道而嗇乎文故長於循轍守訓而不能比事聯類
聞其未發故嘗病漢之文其道必宋之文其道拘客曰
米確論歟荅曰未也文是道之華道是文之精非二也
宋大儒所作自是發揮性命既不可例與漢人論秦漢

文字彼自一家古作事亦不常求儒例也況道豈有可
駁抑豈有可拘乎仲默失之矣謂漢人工於文而昧於
道是豪傑而不聖賢者有之矣謂宋儒知乎道而啻乎
文豈有聖賢而不豪傑乎客曰范叔子又云今之學者
博古之後當集其成而用之如呂覽國策則法其高古
如六子則法其玄博如四大家則法其華裕如程朱則
法其性學國朝惟荆川先生近之荅曰范叔子所言其
然乎孟子自謂燕知言齊氣而公孫丑猶疑之今且燕
國策直至宋儒則又豈不在孔子上哉只信筆糊說去
祇可傳笑○易之卦爻聖人皆從理上說到事去後人

讀易須從事上以研窮而得其理○江陵秉軸極斥赤
請李一節此甚取罪聖教湖內有道者不取之朝遣直
指使江陵往往密授意致其巡歷處書院或曰惡書院
聚徒議已也直指無恥者每于所至書院毀裂甚慘此
亦斯文一變或曰與李斯萬曆乙酉廷議陳白沙胡敬
齋王陽明入祀矯江陵也講李不必惡惡夫托于講李
名門以高門第以取榮進者盡可斥之夫白沙之詩教
敬齋之主敬陽明之良知皆有聖人之一體皆可脫鄙
陋而向高明近時講李寂而士不尚志競率業耀榮肥
市井縉紳而已○人子豈毋憂未有讀凱風而不痛心

者未云莫慰毋心莫忘二字說不出所以慰毋心所痛哉○

薛文清之孝一於復性可謂探見本原者胡敬齋自謂于敬字得力然從涵養中有得而其議論皆不啻于六經四書二先生旨蘊密醇格可為當世倡明理孝而未可議其用世之才○王陽明譽雄海內而致亦相當然自是一代理學之宗其論誠意論格物論致良知學者靜中探識的然得所歸宿自是顏子請事四勿克復為仁也幾微之際有佛氏印心之疑可惜者先生每每稍縱以他說致文士警議先生亦以陳說附和未必能沙

裏取金也陽明氣魄甚大見道尤極高明而立言亦根
要精確若其擔當事而才識亦宏大非無用之孝也
江西事人多識之吁乎議者在事事後開議論也使議
者處當時之事之勢倉皇縮手欲為先生所為以報明
主可易易耶陳白沙見道自一種妙處讀其詩教即江
門春興真是耕莘野誦詩讀書而樂堯舜者然志意飄
曠初卒從之遊難為生筆求之陽明猶令人有津渡處
若白沙只從他直養無害浩然天地間陸象山之孝先
立其大者也曹月川刻若志道而見亦正大尹和靖之
流亞者○聖門子張魯點曾狂也子張之狂狂于刻意

曾點之狂狂于尚志如子張問行問達問十世可知皆是蕩然高遠者然却難與為仁若曾點浴沂風舞童冠咏歸真是舜禹有天下而不與的志趣便能簞瓢陋巷而不改其樂者故夫子與其近道○羅整菴困知記胡支湖異李辨其翼正之心確矣二書力排陳王之學然恐亦說話太多啓將來李者門戶攻擊之隙今時李問賴已表章六經四書有志者自有探討處大都道理天地間不繫一箇宋象山不繫一箇今王陽明人祇因公與朱李相背遂致紛紛竊謂朱先生亦好說話觀他會林侍郎可見今日議論之多亦未必不起于鵝湖同

異也。○伊川臨終人告以平生孝底正要。今日用伊川目之曰：若要用，便不是。後有人以問朱子，朱子曰：若用便是兩心。客曰：兩字如何看？荅曰：恰似此時又分一着。心往死生上去了。兩字是分字。意人平日孝問只是此一箇心。如何到今日又說箇用？如曾子平生只戰戰兢兢至而今而後，吾知免矣。只此一心。其言曰：仁以為己任，死而後已。何嘗有兩心？○客一日談過，荅曰：粹然于理者，其太虛乎？太虛無過，太極生兩儀，便屬形而下。便有過。陽則有愆之過，陰則有伏之過。日月周天，度数日有過，度数之過。月有不及，度数之過。造化然矣。而況于

人乎。客曰：聖人無過。荅曰：聖人過于事理。如周公處當
蔡，孔子答知禮之類是也。大賢過在念頭。如顏子有不
善，未嘗不知是也。次賢過在事為。如冉子之請粟子夏
之哭子之類是也。大賢之過復于一念，所謂知之未嘗
復行是也。次賢之過過不憚改。如子路人告之以有過，
則喜是也。故曰：小人之過也必文，君子之于人不責其
有過而責其憚改，不稱其無過而稱其能求立于無過。
吁！聖人何嘗以過輕絕人哉！一部易拳拳示人以吉凶，
悔吝而尤以一悔字開悟人。○蘇東坡有感于淵明告
子疏而嘆曰：吾真有此病而不蚤自知，半世出仕以犯

大患此所以深愧淵明欲以晚節而師範其萬一也。後村駁之曰士之生世鮮不以榮辱得喪撓敗其天真者。淵明一生惟在彭澤八十餘日涉世故餘皆高枕北窓之日。無榮惡乎辱。無得惡乎喪。此其所以為絕唱而寡和也。二蘇公則不然。方其得意也為執政侍從。及其失意也至下獄過嶺。晚更憂患。於是始有和陶之作。雖惓惓于淵明。未知淵明果却可否。客曰後村之言果近道乎。荅曰宋時蘇氏之孝號深於禪者。今跡其所言則東坡壯時尚未頓涉轉智。若晚而師陶亦回頭路耳。獨後村似未透破蘇氏。然亦未深識陶也。若淵明豈以世

故為法相彭澤八十日即北窓終身佳趣也
喪俱脫相矣視執政侍從為柴為得視下獄過嶺為辱
為喪淵明必不著此相大都晉魏以來人物如淵明者
有幾

偶見程大約叙國朝名公亦牘因彙其近古者數篇以

資談茅鹿門坤酬畫士蔣曉山書云舊吏來是過得石

之草堂到今來延雲泉聚翁朝夕襟帶問也近復得石

所臨東坡畫閣翁云之角中野服疎有朗姿若群之於

西初春堂之上而與之共酒賦詩者然東坡在當時忠

信得體卒不為士所家在時所向如浮梗菱藕之適江

湖其四百年人猶錄其衣冠文章大如猶至今持人耳目

果在彼乎門若善畫於山水荒島竹石無不備其神不

能山水花鳥竹石以賒僕而獨貌東坡者豈以僕其神不

用之月大 一 卷之一 八 九 十 一

夢寐間或近其千百之十一者耶僕雖少好為文章而
獨稱幸進士間不自量頗附古之以事業名者相馳驅
今已歿然其跡矣特其三黜之迹也泊中外銷磨近之
僕嘗請東坡所察惠州時和胡明諸什未始不飲然神
遊也人事有代謝往來或古今僕對君所遺傳酒醒
而今度在哉吾悲公能逃其寵崇患難而不一世之推也
像猶傳之至今今之人猶對結
而引時款款也不審以為然否

陳白沙與左知縣書

云昨來紅顏老夫曾中又著一左

仁化已多今者都討得此賢哉幸甚幸甚老病林下每
聞四方郡縣得人皆為生文書拭目望其人乎公程還日
過白沙少留片語細話平生
志業以慰老懷是所願也

何大復與何塘書

云海內朋友屬目幾何三四君子悉

於大梁德涵又廣于坡下子爵侯亦主乃復欲順世自
人之思而卒無云

遂於情得矣也如解傷來也情字當改私字

陳后岡東與叔禾書

云水論知貴夫人前奈不付何以

端言率且合而女兄以為歡陰今乃已耳○又書白同

志亦有是陵或言其抱疴食不能雙耳便欲掛冠雖復

相依荆水之上此中儘有富人可以貸債買值還什一

之息量粟收雞豕庶幾足饒陳之泰越並名山沒齒無

邵二泉資簡馬天常

云歸去庭空雲消又乎既在東

無東泉觀松○

陸儼山與楊東濱書

云僕夜歸而山中晨起觀初日散

游漫露霽附見城郭此身真在天上下流安所託流如之

高此舉非不與東瀛共之急低報去欲
乘興來此一語如何○未幾部更古雅○

程希文遺弟希誠書

長云頃過富春山下卸舟併細登臺

出此君安能為漢有哉恨不勞吾弟來
與客星相照讓也○真是輝華風高○

王夢澤答劉松石書

伏云不肖為極諸惡於世無比叔退

先君不祿仰天号呼万死曷贖不肖思時先君則曰余
遺事若執不作能以婦時時之人亦莫余媚也於子莫

逆惟松石既辱不棄雙締矧好則又曰予之為此也使
世世子孫無相忘也忽狂書慰追憶先言且讀且泣屢

竊乃能竟贖嗚呼痛矣夫知己之感踰於骨肉向仁人之
籍牒於車馬哀哉於涕淚交情見於生死嗚呼母夫

途年川雲失戍河流遶乾公孤病為執事者憂神萬之
故智寬範子之深憂然又不俟八年之久不肖焉望之

沉而人功告成乃世永賴大抵不與河爭固所謂行所
無事者也今世亟事義舉則喜鑿又焉好字且苦矣

故實使執事入而步國一如治本則新鏡之士味而於
更之患息矣臨書感切言俾寡論惟長者諒焉○

許雲邨與衡山文徵仲書

染乞時惠其將神遊又與徐東賓子正書語云教言好

情而厭誦無以秋象波
靜甚雅其概也
可謂壯矣恭需待未
多福相相飽

又與徐仲午舉人書

井煉茅渴勿所頂丰與天泉然无篇小滯長堅神强强

贈侯復吾臨山先生轉荆南分巡

代筆

東吳之地多特產乃若取其所溫以試于時席為美玉

而為主為璣為良器而又能驅其餘芳以襲於衆而光

顯在世若此者非大雅其孰當之亦越崑山氏之族有

走盤之珠者人以爲珍價可連城人若拭之恒煦煦

于于可挹可測然又不可狎以之爭凌蜺常其炯然
而宣者可察當其苟然而應者可威人以是不敢詭于
奸大珠能際風雲比日月出則為天子使一出便惺
惺騰憤燕趙環駐吳楚及閩楚地緣蒼梧之野蕩長沙
瞰洞庭直進可視若江陵之樓峴山之碑蒼然令人懷
滄洲之想有卓尔功名之會凡抱器者皆頓指掌擬臂
于間而矧於斯王曰若走盤之珠者詎能羈耶聞珠一
試楚南矣楚南之人咸抃焉思其德溫潤不忍于去未
幾又遷一鄉以照臨其民則莫不肅然以仰若水晶玉
女之碧若龍泉莫邪之風人乃重以懷服而崇之為世

用益至是益顯今

聖天子主爵乃永州乃荆南皆楚會治疆界也公府以
英則若求若荆若鄧襄以爲置太守一而其若信爲備
秩然以處可謂紀綱矣乃

聖天子尤軫重地其制置督要柄以監司勅則有若分
守以聞有若分巡以覆相與要要祈不負斯典自太守
以下咸師師然飭其風采抑莫不兢兢然以軼于吏緒
復吾大夫侯視事楚凡幾年常其自勵來求分守一歲有
半每率在位以職齊制制有準化若計畫調度諸司亦
順有所裨益今有荆南之會誠與謂荆南公求千餘里

夫荆南古稱鎮據之勝顧地大非求擬大夫往矣觀風
為天子秉憲持軌以宣不遺視古洪伐將烈烈焉其可
仲聞君子曰無改玉而所攸殊節其視走盤之珠則然
以故處求溫潤及處荆南不啻珠之屬其氣峭其碧色
矣夫南楚固一盤尔大夫行將擬名金甌泛汜乎清江
明堂之輝大禪所用施設仰答

聖明顧瓊璫于恩器皆曰濟世之寶也曷旣業等
嗟嗟邵叨辱為吏亦經以年矣縈我一二執事託周
鼎越所司懷成之義武臣金王敢不拜共矢念以從
釋我大夫竊有聞焉夫朝夕且共而之其敢忘敬乃

重遺存者爲德威靈乎猶太靈之珠還弗變以一日
從役之雅以爲今日簡書言是下執事之耻也我大夫
旌且離衣祇以廢于齋州之涓自今遂津于江漢之思
懇懇聲聲若異日立座廊之上而曰若昔楚誰其選者
必曰東吳

蘇軾一日讀莊子書歎曰吾昔有北口未能言今見是
書得吾心矣竊謂有見是他思極有得處至此遂証悟
○坐想唐虞之世猶太虛然坐想三代之風猶景星慶
雲然坐想春秋戰國以來以攻伐易世猶雲霄時作或
盈滿而作雨或溢散而清空雖聖人不能盡之邵子曰

三皇之時如養聖人之心也而不能遺者時也○客談
平生孝力祇二字澹然澄然而已澹者真未漓之名澄
者中未發之名澹之以涵其未漓之真澄之以養其未
發之中學力祇此二字

閒適劇談卷之一終